




校刻日本外史

今代

六十九年

95
15688
10



175
15688
10



日本外史卷十八

德川氏正記

我德川氏出於新田義重。義重者清和天皇八世裔也。天皇之孫經基始賜姓源氏。降為武士。其玄孫義家。義家子義國。居上野。食新田。足利諸邑。生義重。及義康。義重氏新田。義康氏足利。共助宗子源賴朝。以王命討滅平氏。賴朝為征夷大將軍。開府關東。令義重守寺尾城。義重有五男。其第四曰義季。義季食德川邑。因氏焉。稱德川四郎。義季生賴氏。賴氏敘從五位下。任參河守。食世良田。因又號世

良田氏賴氏生教氏。教氏生家持。家持生滿義。滿義生政義。政義生親季。當是時。宗子新田義貞奉後醍醐帝詔。討北條氏于鎌倉。滿義助之。自稻村崎入。擊破賊將安東昌貫。北條氏既滅。足利尊氏及天下武人皆黨之。獨新田氏舉族勤王。官軍數失利。帝播遷南山。義貞戰沒。宗黨多死。王事帝崩。遺詔益眷新田氏。以圖恢復。後村上帝嗣立。義貞子義興。義宗舉義。上野信濃間不克死。政義父子蓋殉之矣。曾氏孫義滿爲征夷大將軍。開府京師。以族氏滿管領關東。親季子曰有親。爲右京亮。元中中。同宗族從義宗子貞方。匿信濃。爲氏滿所覺。遣兵虜之。有親與貞方脫

走入陸奥。起兵。氏滿大兵來擊。我衆潰。有親挈其二子。逃入上野祝人村。匿舊識民家。聞鎌倉執事上杉氏遣吏募索新田氏。族甚急。欲手刃二子。而自殺。會僧曾觀來。過變容貌。從之。而西尊觀者。蓋後村上帝子。帝無子。養龜山帝孫恒明。及帝生子。恒明避爲僧。是爲尊觀。後爲相模藤澤寺主。周游諸國。謂新田氏先朝所眷也。爲謀所以保護之。乃權以有親及其長子。爲己徒弟狀。有親呼德阿彌。長子呼長阿彌。皆削髮。少子猶幼。未削髮。呼德壽。並携之去。過參河。寓大濱村寺。時尚連歌。寺僧與近村諸豪爲歌會。以娛尊觀。松平酒井兩村長亦與焉。而長阿彌充書手。德壽

周旋執事。兩村長熟視德壽容止。相語曰。是非九種也。微叩之尊觀。尊觀察其無他。其語以故。村長皆有女。無男。欲分贅二子。尊觀許之。於是德壽養於松平氏。及長。命名泰親。築室松平村。以奉有親焉。長阿彌。小蓄髮。名親氏。稱雅樂助。後生子廣親。是為酒井氏也。泰親養父。信重稱太郎左衛門。泰親襲稱之。為村長。闢榛莽。達道路。性壯武。喜施振貸貧民。而不責償。隣近親附。泰親因從容謂眾曰。吾為仇敵迫蹙。流寓至此。稍得安處。願積歲月。闢地聚眾。興復先業。諸君能助我乎。眾對曰。敢不死生以之。其中有嘗有罪宥死者五人。糾眾畧中山七邑。獻之。泰親分其歲入賞

之。新旧氏遺臣稍多。來從者。後花園帝永亨中。大納言平實照以罪貶參河。泰親善視之。及其赦歸。護入京師。實照為奏請授一官。朝廷憚足利氏不輒許。後救除州目代。遂任參河守。敘從五位下。復世良田氏。泰親有六男。使長子信廣。襲居松平村。謂次子信光。武類已。以為嗣。幼字次郎三郎。初守岩津。嗣立居岡崎。稱和泉守。善用兵。攻大給。北給。并之。又襲取安祥。寬正六年。額田氏作亂。州守護細川成之不能定。幕府下教於和泉守。一戰平之。和泉守生男。女四十餘人。親戚蕃衍。次子親忠。嗣幼字竹千代。長稱藏人。居岩津。勵精為政。常謂其老臣曰。先考嘗謂養一士多

於獲一邑。然混忠邪。濫賜予。則徒費民力耳。明應二年。舉母寺部上野八草伊保五城。合兵來攻藏人。以三千人。邀擊于伊田。破之。建寺鴨田。名大樹寺。以弔陣亡士。藏人生九男。曰親長。乘元。長親。親房。超譽。親光。長家。長忠。乘清。而親長守岩津。乘元守大給。長親爲嗣。居安祥。稱藏人。除出雲守。定西參河。而東參河。猶屬今川氏親。氏親者。駿河守護也。永正三年。氏親與其將北條長氏。率大兵來攻。八月。攻岩津。出雲守將五百騎赴救。謂其騎曰。衆寡不敵。如何。衆請前決死。出雲守曰。汝等中盡忠我家。而我未能厚報。今亦爲吾決死。吾所深愧。因以大桶貯酒。泛杯數十。自飲。

一盃。馮餘瀝桶中。曰。事急不暇觴。各人交就飲之。衆感奮。夜渡矢矧河。襲駿河軍。宇津宮忠茂曰。我必捷矣。果捷之。收軍西岸。氏親長氏遁。公戶田憲光以田原降。出雲守問忠茂曰。何以知捷。曰。長氏負寵倚上士。無鬪志。是以知之。忠茂者。新田義貞將。泰藤五世孫也。後因其所居。稱大久保氏。出雲守生五男。曰信忠。親盛。信定。利長。義春。出雲守老信忠爲嗣。仍居安祥。任左京亮。左京亮不恤政。嬖臣用事。國內皆叛。羣臣交諫。弗聽。因相聚謀廢立。左京亮覺之。親戮一人。左京亮生三男。曰清康。信孝。康孝。乃召羣臣曰。我悔吾非。而不可追也。清康雖幼。有器局。宜以代我。大水。

三年。老于大濱。清康立。仍居安祥。小字次郎三郎。幼聰達。每見舊臣。訪古今成敗戰鬪事。憑膝捋鬚。以為樂。或問某何在。聞其死。且戰沒。輒痛傷之。嘗當食。受謁。呼衆前之。以其所御。挾飲之酒。衆不敢。清康曰。人生等耳。或為君。或為臣。分可隔。情可隔乎。強注之。皆霑醉。退相謂曰。今日之酒。吾輩頸血也。時族松平親貞。據岡崎及山中。以掠傍近。大久保忠茂曰。先拔山中。則岡崎不攻而下。乃夜襲取山中。親貞輒降。以岡崎為參河要地。徙居之。國人稱曰岡崎公。遂徇下。西參河豪傑五十餘姓。欲賞忠茂。問其所欲。不答。強而後答曰。願賜城下市租。岡崎公許之。而疑其貪也。忠

諸水無
亭祿二
字蓋係
關文全
據他書
補之

茂盡召市人。以君命除其市稅。四方商旅聞之。爭至。岡崎終以是富實矣。享祿二年。吉田城主牧野傳藏欲起兵。并西參河。岡崎公將兵擊之。出伊奈。伊奈城主本多正忠迎降。正忠之先曰助秀。居豐後本多鄉。子孫邑于尾張。尋徙參河。舉族仕德川氏。而正忠尤大。岡崎公并其兵。進縱火御油。傳藏濟吉田川。毀舟而戰。我兵不利。本多信重戰死。佐野與八請退。岡崎公不肯曰。彼勝而驕。可破也。乃進戰。與八死之。叔父信定等力戰。遂破之。斬傳藏。遂攻吉田。正忠攻破其東門。遂陷之。岡崎公入城。撫士民。遂攻下叛將戶田憲光。平東參河而還。會飲于伊奈。正忠獻盤殺。籍用

葵三葉。岡崎公視而悅曰。吾凱旋得此。自今當以此爲徽號。初德川氏因宗族。以中黑爲號。於是兼用三葵。是歲出兵於尾張。略織田氏地。取品野。以賜信定。三年。攻熊谷重長于宇理。自攻北門。信定以從子親次爲先鋒。攻南門。死。初我僕人岩瀨者殺人。岡崎公愛其勇。宥死。逐之。時在城中。夜縱火爲內應。我兵遂拔城。賞祿岩瀨。重長走。保高力。稱高力氏。遂來降。天文二年。與廣瀨寺部二城主戰于岩津。破之。冬。信濃人來侵。迎擊大破之。岡崎公嘗夢有文在其握。曰是。覺而問衆。衆莫知其解。有僧摸外者。曰是字。日下人也。日下以一人握之。公將大興乎。然握而未啟。在其

子孫乎。岡崎公大喜。爲建龍海禪院。岡崎公威名日著。甲斐國主武田信虎遣使通好。美濃尾張諸城主亦有願附者。公一日慨然言於將士曰。我家與足利氏族望相敵。爲其所剪滅。削跡屈勢。以至於此。今仇家衰亂。天下之事可知矣。冀藉汝衆之力。糾合義兵。樹幟皇都。得一雪累世之耻。今我東有今川氏。西有織田氏。先攻織田氏。以開西上之路。宜厲兵峙糧。以俟吾令。衆奮躍聽命。十月。勒兵萬人。自將西上。入森山。信定居上野。稱疾不從。初信定負勢驕士。落合某者因事抗之。衆爲危之。公曰。士者先公以來所愛養。叔父傲之非也。彼不可屈撓。可嘉。信定啣之。親次之

彼不下
一無可

死。信定不救。又爲公所誚責。深懷慙恚。於是欲乘虛作亂。將士請且止。西伐。公曰。何足介意。今大舉徒歸。士氣沮敗。納侮四隣也。遂欲進攻清洲。國老安倍定吉從軍。數以書勗信定。有流言。定吉與信定通謀。定吉謂子彌七曰。衆嫉我寵。造作語言。主公必察之。卽不察見誅。慎勿以爲怨。宜俟時鳴冤。十二月。軍中馬逸。衆大騷。彌七奉刀侍公側。謂定吉已被殺。惶急。拔刀弑之。植村榮安自傍誅彌七。定吉聞之。將自殺。松平信孝止之。時出雲守猶在。將士護喪歸。請命焉。初岡崎公娶青木氏。生廣忠。乃立之。以定吉無罪。宥使傅之。織田信秀聞我內變。舉兵來侵。我見兵八百。以

李父康孝爲將。迎戰伊田。植村榮安先進。高力重長及子長安戰死。信秀戰敗。請和而去。信定有寵於出雲守。遂圖自立。定吉奉廣忠出奔伊勢。信定遂立。居上野。自結於織田氏。定吉密與弟正定及太久保忠茂子忠俊。酒井廣親。孫正親。正親從子忠次。石川清兼。石川數正。成瀬正義。通謀。請援於今川氏。以納廣忠。五年冬。護入牟呂。參河人多往歸之。六年。信定來攻。忠俊佯從其軍。射書城上。期以四月迎之。信定危疑。宣言曰。我初無害姪孫之意。徒誅諸亂人而已。乃引兵還。數與將士誓。忠俊三上誓書。而密告岡崎。留守松平信孝。信孝曰。吾亦欲之。未得間耳。念公等事

不成死。誰繼之者。吾且全身焉。乃稱疾赴有馬。五月。忠俊等密迎廣忠入岡崎。將士爭謁。出雲守聞之。喜曰。吾恐駿河兵因以侵我。故拒之耳。兒我嫡曾孫也。因命信定折節事之。信定不得已來謁。信孝亦歸。廣忠任參河守。忠俊以下受賞。忠次稱左衛門尉。自父氏次。稍積功勞。於是娶參河守妹。尤見親重。七年。信定卒。衆心乃定。定吉蓋爲逆家。自絕其嗣。婢有身。出嫁井上氏。井上氏實安倍氏胤也。九年。六月。織田氏兵來攻松平長家于安祥。參河守使松平康信等援之。不利。長家及松平康忠、林政、緣等皆死。松平利長、松平忠繼苦戰卻之。十年。參河守娶刈谷城主水野

忠政女。十一年。歲次壬寅。十二月二十六日生男子岡崎。有奇質。出雲守視之曰。此兒必揚名於天下。令酒井正親石川清兼舉之。因故事命幼字竹千代。是歲秋。織田氏復來侵。乞援於今川氏。今川氏遣僧大原以三萬人來救。與戰于小豆坂。互有勝敗。冬。又來侵。內藤清長擊卻之。十二年。水野忠政卒。子信元叛。附織田氏。參河守難今川氏之意。與之絕婚。再娶戶田憲光女。十三年。八月。出雲守卒。織田信秀遣族敏宗攻安祥。敗去。信秀自將。代攻拔之。佐崎城主松平忠倫叛降。爲信秀守上輪田。以逼岡崎。十四年。參河守自將。擊尾張兵于清畷。走之。追至安祥。與城兵戰。

大敗。殆不免。本多忠豐止戰。歿之。參河守得脫。取忠豐金扇馬表。置之牙營。以旌其忠。松平信定于清定據上野。叛初。酒井正親兄忠尚譏人而不遂。慚而退居。於是往歸清定。參河守攻之。不利。十五年三月。近臣岩松八彌。入公寢爲逆。不成。參河守拔刀逐之。八彌走出。植村榮安入。遇之橋上。相搏墮濠。松平信孝提槍來臨濠。曰。子縱之。我刺之。榮安曰。縱則逸。併我刺之。信孝猶豫。榮安遂斬八彌。九月。參河守自將攻上野。大久保忠俊姪兒忠世力戰。清定忠尚皆降。置清定于櫻井。令忠尚守上野。時松平信孝負功。橫肆親戚死者。輒并其邑。衆謂復生。一信定矣。十六年。

正月。信孝如駿河。衆請乘其不在。收其邑。從之。信孝至。無所歸。誦之。今川氏詰參河將士。將士告故。信孝乃走輪田。依松平忠倫。終降織田氏。酒井忠尚復叛。應之。九月。我兵攻信孝。戰于百邑。鳥居忠宗死之。以且賜忠宗父忠吉。忠吉八世祖忠景與粟生顯友者。事新田義貞。及敗。共匿于直。至忠吉。與粟生某俱出。仕岡崎公。粟生後爲大番頭。十月。忠倫將導尾張兵取岡崎。參河守遣刺客殺之。織田信廣代守輪田。益築六砦。參河守乞援於今川義元。義元徵質子。乃以世子竹千代應之。生六年矣。與諸將士質五十餘人。東赴駿河。外舅戶田憲光陰通款尾張。佯以

好迎館于觀潮坂。馳使告尾張曰：公欲取參河，則莫若奪是質。信秀大喜，遣其將林正成等赴田原，以錢五百貫賜憲光。岡崎人森平太者，爲正成部卒，潛來我館，戒曰：戶田氏以郎君爲奇貨，公等未之知乎？因告以故。我衆不信。旦日，憲光來說曰：此至駿河多大川，雨而暴漲，不若由海路也。衆從之。護世子上船，正成乘別船從其後，轉舵至熱田岸，上有兵與從船相招。天野康景猶幼，在世子傍，覺變，乃謂其僕曰：平太之言信矣。比上岸，汝亟混敵兵，走歸岡崎。具白所見，已而上岸。正成納世子於大宮司，康景僕走歸告故。上下大驚。康景之先，亦新旧氏遺臣也。已而信秀使

至。曰：貴息在西，公宜背東鄉西，不則非貴息利。參河守答曰：欲殺即殺，請易以爲了。故失信隣國哉。信秀怒，錮世子於天王坊，備其艱。若生母水野氏再嫁於尾張人久松俊勝，與熱田迺遣家士平野某，竹內某存問之，給以衣物。十七年三月，今川義元將兵來援。至安祥，參河守并其前軍擊尾張兵于小豆坂，走之。酒井正親獲敵將鳥海大學，而織田信廣猶留守安祥。四月，松平信孝來攻關崎，故以得忠俊、酒井正親等伏兵射殺之。參河守泣曰：蓋生致之。是月復擊破尾張兵于重原，遂攻八草梅坪。信秀自將來至西野，我兵堅壁不出。信秀侮之，進次柳河。我兵設伏射。

長坂信政先馳之。信秀大敗走。信政素以勇著。岡崎公嘗曰。長坂每戰血於槍。因呼曰。長坂血槍。十八年三月。參河守卒年二十四。計至熱田。世子哀慕如成人。參河守性猜忌。將士不親。及卒。聚議或曰。與尾張和。速迎世子。或曰。駿河強大。宜修舊好。徐計迎之。議未決。今川義元聞我喪。曰。織田氏擁孤兒臨參河。參河必附之。急遣其將朝比奈泰能來守岡崎。將士乃附駿河。攻安祥。不利。本多忠豐子忠高死之。十一月。義元益發兵。使僧大原助攻安祥。時信秀已沒。子信長嗣。發兵會戰。遇伏敗走。城兵出救。我兵與援軍夾擊破之。追北取其郭。信廣墜嬰內城。信長至鳴海。不

敢進。大原遣使謂之曰。公坐視信廣。盍以竹千代易之。信長不許。林正成平手政秀皆諫。乃許之。於是尾張駿河會盟于笠寺。信廣西歸。而嗣君得歸岡崎。居十餘日。往質于駿河。酒井重忠。天野康景。平岩親吉。阿部正次。高力清長。植村榮政等二十餘人。養卒百餘人。從之。義元置之于宮崎。使來島某監焉。遣其兵守參河諸城。以松平重吉為居忠吉監。租賦輸之於駿河。諭將士曰。竹千代猶幼。我當權領國務。俟其長返。予自是自有兵戰。驅參河人為先鋒。平時命以賤役。將士不敢辭勞。獨願嗣君早還國。嗣君在宮崎。供給甚薄。衣食不足。鳥居忠吉家素富。常送錢帛。又遣

其次子元忠侍之。廿年。嗣君甫十歲。五月五日。出游安倍河原。觀兒童石戰。一羣百五十人。一羣倍之。觀者爭就其衆者。嗣君在僕背。命就其寡者。僕恠問故。嗣君曰。衆者自恃其衆。寡者自知其寡。寡者勝矣。果如其言。義元聞之曰。所謂將門出將者也。廿三年。嗣君始擐甲。弘治元年。義元出兵尾張。攻蟹江。松平真乘。大久保忠俊等七人力戰。二年。正月。嗣君加元服。義元爲賓。使其族將關口親永。理髮。命名元信。稱次郎三郎。妻以親永女。參河將士來賀。或獻駿馬。乃納諸將軍足利義輝。賜手書及佩刀。報之。僧大原義元。庶父。爲清見寺主。而數將兵。嗣君從讀書史。受兵法。

一無報
之二字

焉。二月。松平義春代嗣君。師攻奧平貞延于日進。久之。嗣君聞之。濺泣嘆惜。左右感動。義元又城福釜。使酒井忠次等八將守之。尾張將柴田勝家來攻。大久保忠世。弟忠佑等善戰。幾得勝。家是歲。嗣君年十六。從容謂義元曰。僕幼離國。流寓尾張。駿河有年於此矣。願得一歸鄉里。拜掃先人墳墓也。義元許之。於是始歸岡崎。參河父老聞而大喜。爭出迎之。駿河將山田某在內城。嗣君避之入外城。以延見將士。烏居忠吉離次進。握嗣君手曰。臣老矣。不能効驅馳。特爲郎君置倉廩。時糧食。郎君以此多養兵士。揚武四方。臣或保餘年。猶得親目之。因嗚咽而泣。嗣君亦泣。嗣

日本外紀 卷之十八
君於是更名元康。稱藏人。三年春。復如駿河。永祿元年。義元謂嗣君曰。西參河公舊領也。而其諸城多叛。歸信長。子盡擊而復之。嗣君曰。固所願也。二月。歸岡崎。盡會宗族將士議戰。先攻寺部。縱火外郭。城將鈴木重教出戰。不決。本多重次先登。其一子二弟皆死。嗣君勵衆奮前。擊走重教。斬首百餘級。遂攻廣瀨。信長遣其將津田兵庫來救。大久保忠世與鬪。斬之。石川清兼說曰。郎君始臨陣。而戰而勝。斯已多矣。宜全勝養威也。乃凱旋岡崎。使松平家次守品野。三月。尾張兵攻之。家次夜襲。擊獲五十餘人來獻。後松平信一代守。又襲敗敵兵。四月。嗣君復如駿河。義元遺佩

刀賀捷。納山中邑三百貫。是冬。本多廣孝。石川清兼。天野景隆。往請義元曰。小主人漸長。願如約。義元諾而未果。二年。三月。關口氏生子信康。義元時有西上之志。織田信長聞之。修鷺津丸根。大高沓掛。鳴海。梅坪。寺部。諸城。分兵守之。鳴海。大高。沓掛。皆降於義元。義元遣鵜殿長持守大高。岡部長教守鳴海。已而大高告糧竭。義元使嗣君納糧焉。而城左右皆敵寨。衆難之。嗣君時年十八。以千騎護運而往。值信長在鳴海。使鳥井信吉。杉浦勝吉等候視之。信吉曰。敵欲邀戰。勝吉曰。彼不下山。是不欲戰也。嗣君然之。乃分兵爲向寺部。梅坪。縱火邑里。鷺津丸根。兵望烟馳援。

嗣君則以麾下八百爲三隊。納糧大高。收兵而還。信長視我陣整。不敢犯。是歲。嗣君再徇西參河。復赴駿河。三年五月。義元將四萬騎攻信長。至池鯉鮒。使嗣君攻丸根城。城兵爭出。嗣君曰。彼寡於我。當守而戰。是決死也。我撓以弓銃。乘機拔之可也。旣而前鋒戰酣。麾下繼之。遂斬城將佐久間盛重。贅氏信先登。遂拔其城。駿河將朝比奈泰能亦拔鷲津。義元旣取諸城。以大高當敵衝。欲得一勇將守之。問之於衆。衆曰。松平藏人其人也。乃使嗣君守大高。而自進陣。桶峽恃勝不設備。信長乘風雨。潛兵自間道襲擊。義元敗死。其諸將聞變皆走。駿河兵在大高者亦逃亡。我將

士說嗣君曰。今川公旣死。我獨爲誰守。不若全兵而歸也。嗣君曰。當審其實。然後班師。急遽解走。而事若出謬傳。則貽笑天下矣。水野信元在川谷。私使來告曰。信長獲義元。將遂復諸城。宜乘夜速去。嗣君曰。水野雖我舅氏。而敵部將也。未可輕信。遣人偵之。報曰。信矣。衆爭勸還。嗣君曰。夜行恐失道。宜俟月出。彼能來。我亦能戰。頃之月出。乃整兵東還。土寇爭起。本多百助數返戰。達于今村。將入岡崎城。以爲義元在時。未有還我之言。今乘其死。取之不義也。駐軍于大樹寺。三日。駿河戍兵棄城去。嗣君曰。彼棄而我取。可矣。二十三日。遂入。嗣君六歲出國。十四年而得復歸焉。

士民謹呼。國內諸城主來謁者。相踵於門。而其屬織田氏者。不肯降。嗣君乃將兵攻舉母梅坪廣瀨。廣瀨兵拒于拂楚坂。我兵奮擊走之。遂攻沓掛。縱火城下。而還。城兵追躡。大久保忠俊殿而還。鳥居元忠有首功。嗣君欲賞之。以功狀辭曰。功狀者。游士所以籍口也。臣矢不事二君。莫用功狀爲也。六月。信長謂水野信元曰。吾旣獲義元。以爲子之甥。當不戰而降。今乃強項如此。信元恐嫌疑。發兵攻岡崎。嗣君邀戰于石瀨。兩軍皆相識。故接戰尤厲。松井忠次傷股于銃。進斬其銃卒。明日。戰刈谷下。交綏。復攻寺部。舉母皆拔之。進至山中。攻醫王山寨。久松俊勝先登。敵以槍鏃。

其肩。俊勝舉刀截槍幹。入寨縱火。衆繼之。遂取寨。嗣君乃使人言於義元子氏真曰。公爲先公一戰。僕請先焉。不答。氏真昏懦。孽臣三浦義鎮。義鎮生父小原鎮實。並專國政。讒德川氏有異心。氏真又視岡崎勢。浸熾。有猜防之心。四年。二月。水野信元來侵。復邀戰石瀨。破之。遂攻廣瀨。伊保坂倉重定據中島不下。遣松平好景攻之。重定畏。保岡城。遂走佐脇。乃以其邑賞好景。信長素有霸心。欲出兵京畿。而武田信玄在甲斐。北條氏康在相模。皆窺其後。信長患之。會水野信元往說之曰。僕甥以氏真故。抗於尾張。其實怨氏真。可誘爲我黨。而彼雖小弱。天質剛銳。必不肯請和。

公以力取之。恐費歲月。不若自我結和。使彼當東面。而公專畧其西。霸業成矣。信長大喜曰。是得我心。乃使瀧川益來就石川數正。求和。信元又使使來勸之。嗣君召諸將士議之。酒井忠次曰。我以微力介一大國。而圖自立焉。非便計也。氏真忘仇廢武。沈溺酒色。不足與有為明矣。與信長和便。嗣君曰。念固如何。可肯舊好乎。石川家成酒井正親曰。忠次言是也。嚮義元佯為好意。歲收我食。日戰我兵。而每饒我於敵鋒。九根大高之事。可以見已。官速許尾張矣。質之在駿河者。取之非難。氏真重與我絕。必不能害也。嗣君曰。及吾幼時。我舊臣多膏鋒鏑。吾常傷於心。因泣下。

終許和。信長大喜。定國界。解兵戍。遂請嗣君來盟。許之。酒井忠尚在上野聞之。恐其質之死於駿河也。乃來說曰。信長意難測。可和不可往。今君室家皆在駿河。彼何信我乎。嗣君曰。業已定約。不當背也。忠尚不懌。乃太左。慮其反。請追而誅之。嗣君曰。彼言自有理。且未必反。忠尚稱疾不出。信長修道供帳。至期。嗣君從百餘騎赴尾張。信長使林通勝等迎之。熱田嗣君憇于正海寺。遂至清洲。入城門。觀者喧騰。本多忠高子忠勝。小字平八郎。時年十四。舉薙刀先驅。厲聲曰。我君來此。汝輩胡無禮也。衆皆驚伏。信長出迎。導入內城。植村榮政操刀而從。衛士叱之。榮政頓首曰。

吾植村新六也。奉主人刀。何渠叱乎。信長揮衛士曰。我聞新六名久矣。勿怪。乃盟曰。兩家戮力。征討東西。織田有天下。德川爲之屬國。德川有天下。織田爲之屬國。遂饗嗣君。信長脫寶刀於榮政曰。汝今日舉動如樊噲。會在鴻門。畢饗而還。信長郊送。使通勝等來謝岡崎。氏真聞之怒。使使來請。酒井正親使人往駿河。因三浦義鎮謝曰。參河之擊。皆在駿河。豈有貳心。獨病尾張日強大。勢將及我。故佯和以紓旦夕耳。氏真不能詰。先是吉良義諦守東條。牧野成定守西尾。以黨氏真欲圖岡崎。三月。嗣君攻東條。不下。使松平好景以中島備之。東參河豪姓菅沼與平設樂西鄉諸

族皆背氏真來降。四月。義諦攻酒井忠尚于上野。好景救之。義諦窺其虛。徑襲中島。好景還戰。走之。至善明堤。遇敵大至。遂戰。歿。嗣君築津平小牧。命松井忠次。本多廣孝守之。以備東條。五月。氏真攻東參河。諸豪善拒。七月。嗣君自將攻牛窪。使別將攻烏屋。烏屋陷。本多忠勝與叔父忠真從軍。忠真鏖斃一人。顧忠勝取其首。答曰。孺子不欲因人成功。自斃。其人馘之。忠真啟狀曰。平八郎將行爲君用也。嗣君大喜。五月。荒川城主吉良賴持與兄義諦有卻。因酒井正親請降。俱攻拔西尾。走牧野成定。遂攻東條。東條禪將富永景通陣。藤波暇欲攻小牧。忠次廣孝皆來。合於正

親邀擊景通。景通引弓擬廣孝。廣孝直前刺殺之。餘兵皆走。追北至城。降義諦而還。嗣君以義諦邑賜正親。以景通邑賜廣孝。以津平賜忠次。使鳥居忠吉松平信一守東條。妻賴持以異母妹。五年三月。嗣君使松平清善攻西郡。不利。更使久松俊勝松井忠次等攻之。忠次招甲賀間諜十人入城舉火。外兵應之。城將鷲殿長持走。追虜其二子。命俊勝守西郡。駿河兵來爭。不能取。氏真欲殺我質。以我外家關口親永爲豪宗。不敢發。石川數正欲往護質。度嗣君不許。留書而往。聞氏真甚惜鷲殿氏二子。則因親永請易質。許之。乃馳使還報。嗣君大喜。送二子於駿河。數正乃

奉關口氏世子信康而歸。已而氏真悔之。怒殺親永。擁我將士質。以誘降之。我將士無一人應者。卽盡串殺其質。嗣君聞之哀痛。四月引間城背氏真來降。七月嵩山亦降。已而皆爲駿河兵所拔。九月駿河將朝比奈泰長來襲。五本松殺其城主西鄉正勝。正勝子元正。在月谷聞變馳援。見父已死。赴駿河軍。死。其弟清員爲泰長所捕。行歷萬土谷。奮袂自投。遂脫歸。因管沼定盈告狀。嗣君命承父兄後。辭曰。臣兄有遺孤。臣請佐焉。嗣君義而許之。嗣君自將攻板倉重定。于佐脇。佐脇與牛窪檢木合兵拒于坂井。我前軍敗走。渡部守綱。夏目正吉殿戰。嗣君聞敗。馳救。擊斬重定。

拔佐脇八幡寨。六年二月遣松井忠次攻拔岩略寨。三月自將與駿河將小原鎮實戰于小坂井破之。五月放鷹逆郊至深溝。故松平好景子伊忠在焉。邀而饗之。賜之以鷹。曰長澤要地也。武田信玄所窺。非汝莫以當之。乃徙守長澤。十月使菅沼定顯城于佐崎。糧儲未備。邑中有上宮寺。爲一向宗。頗饒資糧。定顯徵之。寺僧不聽。乃奪之。僧怒。檄同宗鍼崎野寺上呂三寺。合衆得千餘人。攻菅沼氏。劫剽而去。定顯誚之。乃命酒井正親捕其主謀。斬以徇。僧徒益怒。大招聚門徒。將上係其宗。若欲救親戚。修仇怨者。往徃歸之。矢田作十郎馬場小平太蜂谷貞次渡部守綱本

多正信其弟正重等數百人。吉良義諦據東條。具求賴持據荒川酒井忠尚據上野。松平家次據櫻井。夏目正吉據野羽。一時並叛。僧分之牌書曰進。始步生極樂。卻而步墮地獄。刻日來攻嗣君。大驚。分兵守諸城。大久保忠俊自後子忠世忠佐以下守輪田。酒井正親守西尾。松平伊忠守深溝。本多廣孝松井忠次守土井。松平清善守竹谷。松平家忠守形原。松平信大守藤井。松平親俊守福釜。酒井忠次紫丁上野。傍每賊出。舉烽相報。嗣君觀烽。卽馳救。賊輒逃走。石川數正與諸公族攻上野。土井兵攻東條。藤井兵攻土呂。鍼崎皆有功。深溝兵攻野羽。野羽城兵。七部某導

而臨城擒正吉。乙部請曰：臣所以爲導者，欲活正吉也。伊忠亦請之。嗣君終釋正吉。祿之。酒井忠次招戶田某，亦以爲導。攻野寺，破其後門。十一月，鍼崎賊攻輪田。忠俊邀戰于小豆坂。嗣君馳救，大破之。阿部忠政善射，渡部守綱與箕正重皆傷。水野忠重追蜂谷貞次，貞次揮槍返之。忠重卻。嗣君親進，迫之。貞次卻。松平金助追而誥之。貞次曰：吾畏主公，豈畏汝哉？縱殪金助。將鍼崎、阿之。貞次怖而走。箕正重追平岩親吉，射中其耳。將鍼崎又呵之，亦怖而走。忠俊進攻鍼崎陣于伊田。大久保忠世與本多正重以銃相擬。忠世先發，正重傷走。賊議曰：爭戰不決，宜分兵於妙國。

寺扼其歸途，夾擊陷之。淖中蜂谷貞次、忠俊婿也。痛其覆滅，獨騎低田寺前。忠俊悟之，引兵還輪田。十二月，嗣君攻佐崎，與矢田馬場戰，走之。天野康景斬馬場。閏月，本多重次、高力清長攻土呂。本多廣孝、松井忠次攻東條，皆有功。賞功分邑。賜忠次松平氏。尋築砦于佐崎傍。七年正月三日，水野信元來賀。正會佐崎賊焚岡大平。嗣君望之，謝信元上馬而出。信元不忍去，以其卒從。嗣君使上輪田兵當鍼崎，而直出小豆坂，與賊遇。近藤新一射中嗣君轡。嗣君怒，親陷賊陣，與信元兵合，擊斬其二將。土呂鍼崎野寺賊合攻輪田。忠俊、忠世防戰被創。嗣君單騎赴援，踵馳者三。

十八騎。鶉殿康考戰歿。賊黨渡部高綱進逼嗣君。其甥內藤正成侍側。呼曰。事已至此。不能恤私親。乃射仆之。賊兵豨突而進。嗣君甚危。賊黨土屋長吉謂其儕輩曰。吾以門徒故。敢敵主君。今不忍視其危。吾寧墮地獄矣。乃倒鋒當嗣君馬前。防賊戰歿。會日暮。兩軍交綏。嗣君還脫其甲。得二銃丸。命收長吉尸。葬于輪田。二月。西尾兵合水野氏援軍。戰于櫻井野寺。破之。嗣君自討野寺賊。設伏破之。數日。佐崎賊可三百。以矢田為將。犯岡崎。嗣君密戒銃隊曰。賊所以困我者。以有矢田也。彼負勇。每先士卒。宜狙擊之。及戰。交矢。田中九斃。餘賊潰走。自是賊眾沮喪。互相悔責。勸

本多正信。蜂谷貞次請降。貞次就大久保忠俊乞焉。忠俊因說嗣君曰。方今羣雄務厲兵拓地。而我有內變。國兵半為仇讐。有如隣國乘隙來侵。傾覆不旋踵。不若容其自新。使各效力。嗣君聽之。貞次乃與眾議。請三事。曰。將士復祿。曰。僧徒安堵。曰。渠帥減死。嗣君曰。所請皆允。獨渠帥不可。赦忠俊泣諫曰。太歲以來。臣宗族幾殲。公欲恤而賞之。願賜此輩之命。以為前鋒。攻吉良荒川。立功償罪。則疆土日拓矣。水野信元亦以為請。嗣君勉從之。召貞次守綱以下于輪田。徵盟賜書焉。使石川家成率鐵崎降將赴士呂。呼而諭之。賊投兵而降。佐崎野寺相繼皆降。乃逐正信等五

人及諸惡僧。以其餘爲先鋒。攻東條荒川。義諦賴持請降。不許。皆西走。是役也。柳原康政先登于上野。康政之先曰仁木義長。居伊勢柳原邑。其裔清長徙參河。仕藏人親忠。康政其孫也。幼沈深。喜書。是歲。甫十六。成瀨正義與弟正。每戰有功。二人嘗獲罪。出奔甲斐。已而來歸。嗣君待之如故。二人感激。故戰最力。嗣君既定西參河。三月。出兵東參河。四月。小笠原康元以幡豆牧野定成。以牛窪戶田重定。以檢木皆降。乃築砦于一宮。使本多信俊守之。以逼吉田田原。五月。氏真將兵一萬。陣佐脇八幡二邑。分其五千攻一宮。信俊告急。嗣君自將二千人赴援。過二邑間。至本

能原部伍嚴整。兵鋒甚銳。氏真不敢犯。其兵圍一宮者解。退。信俊尾擊破之。明日。嗣君復逼氏真營前。而還。氏真引去。自是不能復出。六月。嗣君使酒井忠次率牛窪檢木幡豆兵攻吉田。本多忠勝先登峰。谷貞次戰死。城將小原鎮實終致城去。以賜忠次。本多廣孝攻田原。取其郭城。將朝比奈元智亦致城去。以賜廣孝。八月。酒井忠尚復叛。命廣孝忠次討之。城兵醜其數。叛相率出降。忠尚奔駿河。尋死。是歲。攻御油寺部。皆取之。長篠築手段嶺三邑皆降。八年春。嗣君盡定參河。乃置奉行三人。掌國內政刑。以作左衛門。本多重次與左衛門高力清長三郎兵衛天野康景充

之重次剛直。清長慈祥。康景沈重。善謀。民爲之語曰。佛高力。鬼作左。彼此無偏。天三郎。先是嗣君既與今川氏絕。以元康之名。義元所命也。改名家康。取遠祖義家偏名也。烏居忠吉爲嗣君奏京師。請襲先世官爵。九年十二月詔。敘從五位下。任參河守。十年五月。參河守爲世子信康。娶織田信長女。信長使佐久間信盛來送女。參河守之定國也。武田信玄使使修好。是歲使其將山縣昌景來言曰。請戮力滅氏真。我取大井河。以東公取大井河。以西參河守許之。十一年正月詔。遷參河守爲左京大夫。三月大夫出兵遠江。攻久能。使高力清長說城將宗能降之。松下股高。

數三族皆降。進攻堀川。拔之。遂取宇津山城。于見附。八月。織田信長西略近江。來乞援兵。大夫使松平信一以二千餘人往。信長將木下秀吉等攻箕作城。城固。不拔。信一疾攻。冒矢石而進。大呼曰。參河人松平信一先登矣。諸隊繼登。城遂陷。信長面褒信一曰。卿可謂膽生毛矣。賜桐號。服。十二月。大夫入遠江。欲取井伊谷。谷中豪族井伊直親以讒言爲氏真所殺。其故部菅沼近藤鈴木三族皆屬大夫。大夫遂取刑部。先是引間城主飯尾某密通款於我。事覺。被殺。其部下以城來降。又爭事相殺。於是大夫入引間。益其壘。壁立爲根據。遂招降馬伏高天神二城。是時武田。

信玄已入駿河。逐氏真。氏真奔遠江。朝比奈泰能守掛川城以迎之。三浦義鎮、小原資久棄氏真而獨保花澤。甲斐將秋山晴近、濟大井河招久能。久能不下。奧平昌沼迎戰于見附。我兵不利。大夫使人謂晴近曰：汝何敢背約？不至引去。我親出擊之。晴近懼，引去。大夫遂攻掛川城。險食足，不可輒拔。乃連砦備之。退陣見附。是歲，奏請復德川氏。十二年正月，詔報可。自是德川爲宗。松平爲族。是月，復攻掛川。使使謂信玄曰：掛川則僕力能舉之。前日之約如何？信玄答曰：不敢渝。大夫乃徙陣于天王山，以逼掛川。氏真略久能、宗能、父宗明以利，欲夾擊我軍。宗明諾而告之。宗能

宗能不從。氏真之使復至，戒期。宗明父子密謁大夫，告之。大夫使佯期焉。而夜伏兵城外，候敵出，起鬪，獲其五將，尾而入城。城兵堅拒，不得入。二月，退陣見附。降濱名都築二城。三月，復攻掛川。泰能等出戰于西宿，我諸將擊破之，追走至城。以竹楯環攻。城兵以舟師出，我軍後鳥居元忠、榑原康政等邀擊走之。大夫退入引間，使三奉行下令三條、禁鹵掠。按據上氏會氣賀盜起，遣兵誅其首謀，盡赦餘黨。遠江民歸心焉。氏真度掛川終不可守，欲走依北條氏康。氏康其舅也。乃因酒井正親、石川家成、乞和。大夫答曰：某初爲尊翁扶持，不敢失舊誼。讓者所問，以至構兵。今信

玄欲併駿河遠江。公若以遠江見附。某某當與氏康謀納公於駿河。因送誓書。五月使松平家忠護送氏貞至戶倉。授之於北條氏。大夫於是取遠江。以掛川賜石川家成。自從五百人。巡視郡縣。甲斐將山縣昌景將兵三千。自駿府至金谷。遇大夫。下馬而拜。觀我寡軍。心動。託忿爭。及襲之。大夫走就險。隘擊斬其前鋒八騎。昌景引去。大夫大怒。遣兵攻駿府。昌景棄壘走。乃使使氏康謀復氏貞。氏貞舊臣岡部正綱等。修府城守之。六月。以天方飯田不奉我令。攻取之。十一月。信玄與氏康戰。勝之。降正綱。取駿河。分兵據小山。大夫使松平貞乘援掛川。以攻小山。元龜元年正月。

僕一作
其下同

以遠江既定。徙居引間。改名濱松。使世子居岡崎。以撫參河。大夫威名大振。稱為海道第一。是月。信玄攻拔遠岸。小原資久。三浦義鎮。奔高天神城。本小原長忠與之有故。而知大夫深惡二人。斬獻其首。大夫不賞。三月。信長使人來賀二國平定。且請援兵。擊朝倉義景。三月。信長先入京師。大夫將兵一萬繼之。四月。將軍足利義昭饗信長。及大夫遂赴越前。信長自近江。大夫自若狹。會于敦賀。攻拔寺筒。遂下金崎。會淺井長政。叛應義景。欲來擊信長。信長危懼。問大夫曰。為之何如。大夫曰。公第馳入京師。長政見事遲矣。必未扼歸路。至如義景。則留一猛將。與僕合力。必不

日本外史

卷之十一

十四

能尾也。信長乃留羽柴秀吉。而夜走京師。數日。大夫與秀吉殿而退。信長將丹羽長秀、明智光秀在若狹。不能歸。入夫分兵救之。皆達于朽木。行擊土寇而入京師。五月。歸岡崎。六月。信長擊淺井長政。復來乞援。大夫將兵赴之。朝倉義景使族景健援長政。信長兵二萬五千。大夫兵五千。陣于龍鼻。長政兵八千。景健兵一萬五千。陣于大崎。信長夜議戰。大夫曰：僕年少。不喜混戰。願當一面。信長曰：然則當長政顧公兵寡。我當分兵援之。大夫曰：僕領小國。慣用寡兵。且縱賜援兵。非素撫循。何為用乎。信長曰：使公獨當敵。吾將為天下笑。請附一隊將誰可者。大夫乃請稻葉通朝。

信長召通朝曰：汝為德川所識。援榮莫大焉。因取一槍贈大夫。曰：相傳是為鎮西八郎箭鏃。公原氏曾亂。詰納其以此指摩。大夫喜而受之。於是分兵為四。酒井忠次等為前鋒。石川數正等為次隊。大夫自為中軍。榊原康政本多廣孝為左右翼。稻葉通朝為後拒。旦日。長政自東。景健自西。來至姊川。信長又使人來謂曰：吾深憎長政。欲甘心焉。願公當景健。大夫曰：諾。忠次諫曰：我所嚮已定。乃易之。部必亂。大夫曰：西衆而強。東寡而弱。舍東取西。吾所願已。乃引兵而西。與景健夾姊川而陣。景健縱兵百餘先齊。本多忠勝在中軍。請曰：彼欲擊我橫。我當逆戰。大夫曰：善。命忠

勝馳戰。大久保忠隣安藤直次踵馳擊走之。景健以全軍
進我前鋒卻。次隊承之。戰于河中。大塚又內攬敵槍相挽。
遂奮而殺之。內藤正貞遺槍敵中。回馬取之。松平忠次爲
敵射。矢貫左手。拔矢反射。殪之。次隊卻。敵進。直逼麾下。麾
下將士拒戰不決。大夫怒。奮槍指麾。縱左右翼夾擊。大破
之。顧見信長軍敗。沿川而東。與後拒俱擊長政。又大破之。
追北。至大寄而還。信長大賞。大夫功。自以武門棟。終不多
正信渡部守綱等。亡在越前。悔而來歸。是役從有首功。八
月。大風傷稼。我國最甚。命三奉行賑恤之。九月。信長攻
向賦。于攝津。渡井朝倉六角氏。並起絕其歸路。大入使酒

井忠次石川家成赴救。數擊六角氏。事平乃歸。是時信長
已取近畿十餘州。而大夫屢得定參河遠江。以與強敵接
壤也。

日本外史卷十八終

日本外史

卷之十八

七二

[Faint bleed-through text from the reverse side of the page]

日本外史卷十九

德川氏正記

德川氏二

初信長深畏武田信玄。事之甚謹。而信玄常欲西其兵。議曰。信長使家康當我。而自取易取之地。以致強大。今先獲家康。則信長隨手而亡。當是時。與信玄勦敵者。唯有北條氏康。及越後國至上杉謙信。是歲冬。氏康卒。子氏政立。請和於信玄。信玄以其庇今川氏真。難之。使氏政殺之。以表意。氏真懼。航海來奔。大夫給以邑。善遇之。氏真素與謙信通好。勸大夫修幣馬。謙信喜答之。約夾攻信玄。大夫異父

事諸本
作仕非
今从門
田亮佐
家藏本
改之

日本外史 卷之十九

弟久松義勝質駿河數年為信玄所奪幽于甲斐至是逃
 出踏雪而歸足指皆墮大夫厚視之信玄於是決意絕我
 而德川氏與武田氏始構難矣二年正月大夫進從五位
 上遷侍從二月信玄入遠江三月攻高天神小笠原長忠
 堅守乃引兵去令其將秋山晴近侵東參河招降三族獨
 菅沼定盈不降四月參河諸城多陷我民叛應信玄欲襲
 岡崎侍從遣青山忠門擊平之忠門戰死侍從出陣于吉
 田遣兵擊信玄將山縣昌景走之信長聞我與信玄交兵
 甚危之而不敢來援使人來言曰聞信玄數侵貴國某當
 赴援以報去歲之勞而以西事殷未之果也顧濱松當敵

塗地下
 一無也
 字

衝宜避徒岡崎侍從謝曰某請徐計之使者出侍從笑謂
 近臣曰吾而去此當蹋折刀劍不復用焉信玄何足畏哉
 十二月信玄兵侵吉田榆木侍從自將拒之不敢戰而罷
 三年正月侍從入駿河三月上杉謙信將兵入信濃以為
 我聲援十月信玄將兵三萬餘來侵拔溝飯田二城陣于
 袋井見附內藤信成大夫保忠也將四千人至西島與信
 玄遇信玄曰敵兵輕出勿使一人還麾兵來逼信成曰濱
 松八千之兵其半在於此而眾寡不敵一敗塗地也何以
 再戰乃退侍從聞前鋒危自出陣馬籠使本多忠勝率精
 騎往援之忠勝至一言坂信成等欲退甲斐兵尾之結而

不解。忠勝善用槍。所愛一槍。名曰截蜻蛉。於是忠勝戴鹿角冑。提截蜻蛉。單騎馳入兩軍之間。兩軍乃開。終收兵而退。命率積薪坂頭。而伏銃其側。敵至。銃發火起。敵不能復尾。時我兵多蒙唐首。信長所貽也。甲斐人爲之語曰。家康有過分者二。唐首也。平八也。已而信玄遣其子勝頼等攻二股馬場。信房備我援路。侍從赴援。渡天龍河。不敢戰。歸敵結筏河上。以絕城渡道。守將致城。收入濱松。我諸城多叛降信玄。信玄合兵逼濱松。乃令松平清善往拒守津山。濱松諸將勸請援於織田氏。侍從不欲之。諸將曰。信長富五倍於我。而連請我援。我以一國抗強敵。未嘗請援。今而

一請。何不可也。侍從從之。十一月。信長乃遣佐久間信盛。平手汎秀等來援。相持踰月。十二月。信玄部兵四萬陣于三形原。縱火濱松城外。侍從怒。欲出擊之。信盛率其衣謙曰。寡君戒臣等曰。信玄老將也。其兵精強。天下無敵。德川欲出戰。汝當固止之。侍從曰。嚮信玄入小山原。旌摩其門。而氏康不出。世傳以強之。今敵踏籍我城下。而不敢發一矢。非丈夫也。果然則吾當剖髮披緇。諸將固諫而止。二十一日。信玄退入井伊谷。侍從遂出陣。三形原日已晡。分兵八千爲九隊。遣鳥居忠廣往視敵狀。返報曰。信玄返軍而來。陣堅勢銳。戰必不利。請速收兵。侍從不聽。使渡

室一作

部守綱往亦報曰勿與戰侍從叱曰人入我室蹴我枕猶有卧而不較者哉命大久保忠佐柴田康忠往挑戰守綱止之不肯而馳與石川數正本多忠勝柳原康政其擊敵將小山田昌行走之侍從以麾下與酒井忠次大須賀康高擊山縣昌景亦走之追北而進勝賴與馬場信房自傍進逼我麾下昌景昌行皆返之信玄自縱奇兵橫擊我軍軍亂信玄乃鼓全軍而徐進山岳為震我軍終大敗信盛走汎秀死數正與松平家忠戰不支侍從切齒口出沫厲眾逐擊成瀨正義本多忠真安藤基能鳥居忠廣等死者凡二百餘人敵兵益逼侍從自度不脫欲返決死士多

喪馬步從夏目正吉在濱松聞急馳至諫曰勝敗常事耳此非大將授命之日君第速走臣請代焉乃扣其馬南向以槍繳策馬馬走正吉呼柳武重リウタカ曰子以我君免武重欲止其死正吉揮而去之自奮槍拒敵苦戰而死侍從得間而走使忠世樹旗于崖リカケ以收敗軍敵以為大將爭赴之侍從因得達城城門闔武重大呼曰君歸矣盍開開而入一城聞敗大擾高木廣正得一駭首而還侍從命貫之刀鋒徇曰兩軍鬪亂吾獲信玄矣衆乃定侍從下馬拔槍慨然謂從者曰吾恨為尾張人所沮戰失其時乃取此挫劔矣取腰間扇以賜武重都築秀綱妻豫煮粥以犒士卒

日本外史 卷之十九

賜之衣服時已昏或請關門侍從曰後者安歸且示敵怯非計也命開諸門篝火而自飽食酣睡鼻息如雷敵方逼北逼城見門開恐其有伏兵不敢入鳥居元忠渡部守綱等三百人出門而戰敗兵自敵軍後譟而還信玄乃退舍忠世康政行破敵兵入城本多重次喪馬殪敵一騎奪其馬還初重次多儲糧仗於是衆賴以安焉侍從召諸將議守禦忠世曰敵新勝當挫其鋒以振我軍氣侍從然之收城內銃手得十六人以忠世及大野康景將之五更登屏崖亂射甲斐營營亂多陷谷死信玄曰家康兵何強項也會石川家成自掛川入援我軍稍振侍從上城樓望甲斐

軍顧富永某曰汝以為敵去詔何如對曰軍無輜重竈不見烟是必去矣明日信玄果去陣刑部馬場信房謂之曰臣檢敵屍北首者俯南首者仰可以見家康訓練矣向使主公與家康和結以婚姻以為先鋒則天下何足圖乎天正元年正月將軍足利義昭下教信玄使與信長及侍從和信玄不肯引兵攻野田菅沼定盈與援將松平忠正堅守敵蒙竹植用龜甲車外城陷乃退保內城敵環廐若鑿地道以絕井泉侍從自將救之甲斐軍不可犯退次吉田馳使乞援於信長信長不敢出城中有善笛者村松善銃者鳥居村松夜上樓吹笛敵數騎來城外聽之標竿而去

鳥居晨起見之曰聞信玄喜音得非是乎密定準之
夜使村松復吹笛敵復來聽銃發隨一騎旦日敵中傳言
信玄有疾來諭致城定盈忠正請出城自殺以免士卒信
玄許之比出城伏起被虜囚于長篠誘降之二人不屈初
奧平道文管沼正員管沼刑部置質於濱松而叛降甲斐
於是請歸二人以易其質信玄乃使人來言侍從許之嘉
二人守節加其采邑二月信玄病創分兵而去使我叛將
守七城以逼濱松侍從曰可使敵在我近郊哉三月使世
子信康石川家成平岩親吉久野宗能復其五城餘皆解
走四月信玄創復發歸國途卒勝賴當國秘不發喪五月

侍從徇駿河六月巡一股壁于城山七月攻管沼正員于
長篠以火箭焚其城正員退保子城乃築壘熊山留兵而
還八月勝賴來援攻熊山侍從自將邀戰甲斐諸將退保
險阻侍從伏兵而伴遁敵不敢出遂去城陷止員出奔甲
斐敵將還助之成鳳來寺又助奧平道文成筑手道文之
叛也其子貞能諫之又信玄去道文危疑貞能了信昌略
涉書志為籠之繇曰蛇年之人死道文謂信玄生歲辛巳
必既死也遂決意歸款勝賴在黒瀨徵質於貞能貞能不
能拒遣其少子或告貞能有異心武田信豐召之貞能即
往戒從者曰未見我首勿動入見信豐信豐詰之貞能笑

曰公莫信及間信豐意解與之圍碁畢局而出勝賴軍監
城道壽招之飲又往道壽使入出呼曰奧平氏被誅從者
不動貞能出而歸城乃舉族來奔甲斐成將追之侍從遣
本多廣孝松平伊忠迎之龍山擊破追兵進戰築手下又
破之勝賴怒殺其質十月勝賴遣諸將擣濱松留守本多
重次等迎擊卻之侍從乃還勝賴出陣見附不戰而去二
年正月侍從進正五位上三月上杉氏來修好侍從修長
篠城復諸亡地四月攻乾城遇雨引還城兵尾擊殿軍多
死者五月勝賴大舉來攻野田城壁未修菅沼定盈棄城
退六月勝賴進攻高天神侍從乞援於信長信長聞信玄

上流一
作上游

定死乃肯來援勝賴疾攻以利誘降城將小笠原長忠長
忠遂降信長聞之止次吉田侍從赴謝信長亦謝其扞信
玄之勞贈黃金二袋而去侍從以長忠邑賜大須賀康高
使守馬伏壘九月勝賴將兵二萬來侵侍從將兵七千陣
于天龍河我兵分為二一在上流一在下流欲俟敵渡夾
擊之甲斐諸將視我陣不可犯勸勝賴退去三年正月天
野康景有吉夢以為克甲斐之兆獻之二十日因命連歌
會著為恒例二月侍從出獵城下見一成童容貌秀俊問
之對曰井伊直親孤子名直政幼字萬千代育於繼父松
下清景侍從曰仕我不直政曰奉命乃載歸遂賜其舊邑

井伊谷統故部曲。是月。以長篠賜與平信昌。井伊氏。與平氏。皆南朝時屬官軍者也。侍從知信昌可用。使松平伊昌助之。益修守禦。以備勝賴。四月。勝賴侵宇理。我吏人大賀彌四郎者。以文無害起岡崎。昏徒至。司二十餘邑稅務。竊懷異圖。與其黨小谷倉地山田三人謀。通款甲斐。曰。臣掌岡崎管鑰。城之所有。世子與諸將質耳。請啓大師。挾質以臨濱松。無不降矣。勝賴大喜。刻期來襲。山田中悔。自首世子。世子使人伏其卧内聽之。盡得其實。急報之濱松。倉地小谷知事覺。逃捕斬倉地。終執大賀。窮治服罪。乃反接馬上。徇之二城。先磔其妻子。然後生理之地。而鋸其首。勝賴

潛兵至榆木。聞大賀敗。轉掠榆木牛窪。侍從拒吉田。世子拒法藏寺。擊卻之。五月。勝賴大舉攻長篠。築壘于鳶巢山。分兵絕其饗道。信昌與伊昌厲衆堅守。侍從使小栗大六乞援於信長。信長不果出。與平貞能自往。固請信長許之。未至。信昌出戰卻敵。焚其竹楯。勝賴攻奪其甕城。益修攻具。鑿地道。環塹柵。攻擊連晝夜。信昌謂其衆曰。孰能出從援兵者。鳥居勝高素倔强。稱強石衛門。進曰。臣請往矣。信昌許之。夜縋而出。至侍從營。致信昌命曰。城兵未疲。鋤硝亦具。所欠者糧耳。不急救之。則信昌自殺。以免士卒。侍從召見慰勞之。曰。信長既在途。吾亦將以明日出。因留勝高

自從辭曰。城中延領遲報。臣不忍留也。即夜馳歸。將踰柵入城。為敵邏兵所執。勝賴命解縛。諭之曰。汝往語城兵。信長家康不能來。宜速出降也。則吾厚賞汝矣。勝高曰。諾。乃使甲士十餘人露刃擁之。至于城下。勝高仰城大呼曰。諸君努力。大兵來援。不出三日。言未畢。及麓而死。勝賴益嚴防備。張索濠上。以防城兵逃出。十八日。侍從以騎卒二萬先進。陣高松。信長與長子信忠。合五萬眾。陣設樂。信昌望見之。作書曰。城猶足堅守。請勿輕進。損兵。敵若急攻。當鳴鐘報之。使鈴木金七齋往。夜踰濠。以短刀截索。泗而來。達侍從獲書。以告信長。信長甚憚甲斐人。植重柵。穿塹。守以

馬鏡。使侍從亦倣之。大久保忠世其弟。忠佐奉命。以鏡手三百為先鋒。參河卒小栗忠政在甲斐。於是為勝賴使上國而還。竊懷歸志。過木多忠勝。忠勝攜謁。侍從授之密謀。使歸告勝賴。以援軍易與狀。勝賴大喜。欲戰。將佐皆諫。弗聽。乃分兵當城。使武田信實守為巢山。而自進渡龍澤。勒兵為十三隊。本多廣孝酒井忠次相謂曰。我誘敵入死地矣。成瀬正一嘗在甲斐。記敵旗幟。侍從召之。指甲斐軍。問曰。左者為誰。曰。山縣昌景也。問其右者。曰。馬場信房也。問其中者。曰。公族也。忠次因說曰。敵鋒嚮我。銳甚。請分兵遠出其背。焚為巢壘。使敵顧後則克矣。侍從曰。善。未告信長。

賜一作

信長數發候騎候敵。皆曰：兵衆而整，不可犯也。一軍失色。二十日，信長召諸將問計。諸將氣沮，莫敢言者。忠次進曰：臣使人間視敵兵，寡羸敗兆皆備。請明日決戰。信長曰：汝之勇果如所聞。因命酒觴忠次，使傳之。信忠曰：聞汝善撈蝦舞，為我一為之。忠次起舞，衆敲箏和之。舞畢，復議戰。忠次復進曰：是役係寡君國事，臣不敢辭讓。因進囊為策。信長心善之，而恐其漏泄，佯叱斥忠次，忠次弗懼。罷已而信長陰召還之，附兵五千使行。侍從命松平伊忠，其子家忠、本多廣孝、菅沼定盈、阿部定次、奧平貞能率一千人助忠次。約曰：至則舉燧。忠次不歸舍而發，乘夜踰險。更

佳士一作
良臣

達壘下。伊忠謂家忠曰：我必戰死，汝全軀以事主。公家忠泣請共死。伊忠叱曰：國恩未報，又絕先祀，忠孝安在？乃分兵附之，訣飲而去。昧爽，忠次舉燧，大喊逼壘。信實惶遽出，拒伊忠力戰死之。終破殺信實，遂焚諸砦。甲斐軍驚動，我兵覩燧大喜。織田氏將挑戰，忠佐謂忠世曰：我至彼客，使彼先戰，我之恥也。忠世曰：然，乃共出柵外誘敵。敵左陣突騎三千先縱，我銃隊擊卻之。敵中軍繼至，忠世忠佐周馳健鬪。信長望其背旗徽號，使人來問曰：一人以蝶為徽，一人以鏡為徽，其督衆也。如臂使指。敵乎？我子。侍從對曰：蝶為兄，鏡為弟，皆僕家舊臣也。信長歎曰：德川氏何多佳士。

陳軍一作

也。當是時。為一人所擊破者。皆轉赴信長前軍。敵右軍亦冒銃直進。信長前軍走入柵內。柵殆破。敵逼其麾下。侍從馳騎告信長曰。公令諸隊齊發銃。我軍用槍橫擊。可以克也。信長傳令敵兵大沮。木多忠勝。松平忠正。鳥居元忠。榊原康政等攢槍接戰。甲斐諸軍遂大潰。信昌伊昌出長篠夾擊。幾獲勝賴。勝賴屢免。是日。自卯至午。戰凡五十八合。斬首一萬餘級。武田氏宿將精兵畧殲於此。侍從往。說信長曰。今乘大勝之威。長驅追北。則甲斐信濃可一舉取也。羽柴秀吉從在軍中。亦勸之。信長弗聽而去。侍從見信昌賞其堅守。加賜采邑。許以女妻之。遂大賞將士。數日親往。

冀一作

岐阜謝。信長亦謝曰。卿之君臣。以寡擊眾。為吾打東面數年矣。不則吾安得定京畿哉。今勝賴一敗。魂氣不能復出頭。卿宜取駿河。遂及甲斐信濃。吾亦當相助焉。因見扈從將士曰。長鬣將何不來。蓋謂忠也。忠仍在扈從。對曰。家兄有故。不得拜趨。信長曰。吾子兄弟。長篠之戰。可謂絕類逸羣矣。手賜衣服。又賞忠次功。賜薙刀。侍從辭歸。六月。侍從攻二股。使忠世子。卷原若以當之。轉至掛川。攻光明城。使諸將逼其前。而自潛兵襲其後。下之。七月。與世子信康攻諏訪原。至八月。下之城。在田中高天神之間。難其守。松平忠次請守。乃賜偏諱。改名康親。稱周防守。名城曰牧野。

日本外史 卷之十九
以武田氏比殷紂也。自是勝賴數出，遂不能深入。侍從遂
攻小山。酒井忠次曰：「我已得二城，師暴兵疲，不可不戢。勝
賴慄悍過父，我攻小山，必來援之。前有堅城，後有強敵，取
敗之道也。」康親勸往，遂往。九月，勝賴募兵二萬，陣大井河
上。侍從曰：「果如忠次言。」乃循河班師。城兵出躡，世子信康
殿而退。勝賴不敢逼。自是世子常從軍。十月，使大久保忠
世、榑原康政攻二股，踰月下之，遂取柏耆塚、八荒山。信長
復下岩村。佐久間信盛與水野信元有卻，譜信元通岩村，
欲殺之。信元懼，來奔。侍從固請宥之。信長弗聽，遂賜死。使
信盛取其邑，盡逐信元族人。獨其季子留匿參河。四年春。

侍從築城橫須賀，使大須賀康高守焉。以久世廣宣坂部
廣勝、渥美勝吉屬之。勝賴納糧于高天神，侍從自出拒
之原，欲戰。內藤信成諫而止，乃交綏。上杉謙信出真上野，
遙為應援。勝賴不敢南出。侍從乃納今川氏真於駿河，使
松平康親、松平家忠並視其政。八月，自將拔樽井砦，使安
倍光真守之。五年八月，侍從入山梨，擊甲斐將穴山信良，
破之。甲斐兵又攻樽井，光真擊卻之。十月，侍從修築濱松
城。十二月，侍從進從四位下，遷右近衛少將。六年二月，少
將徇駿河，攻田中井伊直政從軍。每戰先衆，與諸將破其
外郭而還。八月，大須賀康高破甲斐兵于國安河。少將侵

掠駿河。至持舟而還。過田中。恐其兵出尾為攻城狀。敵不敢出。我兵乃還。十一月。勝賴陣小山。少將陣馬伏。從子總社。世子夜潛濟水。覘敵營歸。欲擊之。少將曰。據險之敵。不可輕擊。復交綏。七年。正月。勝賴又入遠江。聞少將出。乃去。四月。三子長丸生于濱松。母西鄉氏。以故水野信元娘子。土井利勝為其侍臣。利勝從其母依土井氏。遂冒之也。初。世子信康為人剛厲。至手刃近臣。酒井忠次大久保忠世數諫不聽。所生關口氏以妬悍被廢。居岡崎。其婦織田氏亦妬而無男。又為姑氏所離間。憤怨是歲七月。織田氏遂作書以姑氏陰事告信長。因疏世子十二罪。會忠次赴安

計作

土。信長示而問之。對曰。信。信長怒。使歸告少將。關口氏與勝賴通。欲除卿以立世子。遂滅我也。卿其亟計之。忠次過岡崎不入。世子憂悸。八月。少將至岡崎。放世子于大濱。使俟後命。其明。世子親來哀訴。弗聽。平岩親吉為傅。請曰。世子材武。今遽殺之。後必悔焉。臣為傅。母狀。願斬臣首以謝。信長少將泣曰。喪我良臣。而兒終不免。悔更甚矣。數日遷世子于堀江。遂遷二股。令忠世護焉。誅關口氏。信長意未解。九月。望。終使世子自殺。年二十一。世咎忠世輩不曉少將意也。初。少將姬人永見氏孕而獲罪。出產於其鄉。世子潛舉之。呼菽丸。三年而見之。少將不子也。本多重次抱持

而賀曰。酷肖君。君處戰國。宜多子矣。臣請育焉。世子卒。時
菟丸甫六歲。而立長丸為世子。先是。上杉謙信卒。義子景
虎與從子景勝爭國。景勝賂武田勝賴。合攻殺景虎。景虎
北條氏政弟也。氏政怒。絕勝賴。遂來修好。於是三國交盟。
約曰。武田侵伊豆。則德川出兵駿河。侵遠江。則北條出兵
上野。侵美濃。則德川北條並向甲斐。使織田毋東顧也。是
月。勝賴氏政相持于黃瀬河。少將聞之。自將入駿河。酒井
忠次諫曰。險深入。其危不測。少將曰。約不可違。且二人
相持。而我乘其弊。必有利矣。使忠次留陣瀬戶。而進過田
中城。攻持舟拔之。縱火至由井。勝賴引兵來迎。氏政不敢

通
作

尾少將欲逆擊之。諸將諫曰。勝不可必。而敵城在背。乃還。
忠次為殿。十一月。松平家忠伏兵瀧坂。擊破甲斐兵。八年。
正月。少將進從四位上。三月。攻高天神。連若逼之。五月。攻
田中。侵掠而還。持舟兵出躡之。返戰大破之。七月。復攻田
中。岡田元次曰。天將雨。大井必漲。請速收兵。少將乃濟河
而還。其夜果雨。勝賴聞我攻田中。疾驅而至。河漲不得濟。
九年。二月。高天神兵力屈而逃。我兵邀擊。斬守將岡部與
行。初。小笠原氏叛。降甲斐。我監軍大河內政局不從。武田
氏以利誘降。政局唾罵不顧。出于石窟。八年。至此。得出。痿
不能起。少將賞賜之。少將遂與織田氏議。大舉攻甲斐。十

年二月。信長遣信忠將前軍入信濃。而自繼之。少將將騎卒三萬五千。入駿河陣牧野。分兵攻遠目。鞠子持舟。久能諸城皆陷之。甲斐將穴山信良在江尻。少將遣長坂血槍說降之。信良潛來謁。走還其邑。乃進陣江尻。遣人降田中守將依田信蕃。不肯。乃使信良以書諭之。三月。信蕃致城而去。府中守將武田信龍棄守逃。少將以信良為鄉導。自市川入甲斐。所過毫毛不犯。沿道望風歸降。當是時。信忠已下信濃諸城。進入甲斐古府。北條氏政以兵二萬臨境上。勝賴逃無所之。乃以殘兵棲天目山。織田氏兵逼殺之。獻首信長。信長罵曰。豎子使乃公不得高枕數年矣。今果

何狀也。傳至我營。少將下胡床加禮曰。公以五州主將。而遂至於此。豈非天哉。甲斐信濃士民間之。皆竊歸心於德川氏。信長初誘武田氏諸將使叛。及勝賴死。皆誅之。下令逮捕。期無遺類。少將潛庇之。多得免者。依田信蕃久守田中。以抗我兵。少將最嘉之。收隸部下。於是少將會信長于諏訪。賀戰捷。信長曰。長篠之戰。奪其爪牙。今日固易為力。皆卿之力也。遂分武田氏地。使少將取駿河。少將曰。今川氏真寓居傑所。願割其半予之。信長不許曰。子以兵力取駿河。何分之一寓公乎。遂割甲斐一郡。賜穴山信良。使我統屬之。置瀧川一益于上野。經畧關東。置河尻鎮吉于甲

日本外史 卷之十九
斐森長可等于信濃。皆使受我節度。四月。信長焚惠林寺。廢其僧徒。遂自海道而歸。少將供給甚豐。五月。少將西往安土。穴山信良從焉。信長命吏除道。使明智光秀掌饗。饗于高雲寺。親饋之。使信良及酒井大久保石川井伊本多。榊原六將侍食。召優人為樂。因謂少將曰。卿盍適觀京畿。吾亦當踵往。少將與信良以小隊發。信長使長谷川秀一。京商茶屋晴延從之。經京師。至大坂。織田信孝將畧南海。屯于大坂。迎饗焉。少將遂往界府。遣晴延入京師。以候信長。六月。二日。將還入京師。本多忠勝先發。至牧方。逢一騎來。逆則晴延也。回指謂忠勝曰。公不見夫烟乎。明智光秀

作亂。右府已被弒矣。忠勝大驚。回馬返報。少將已至飯盛山。望見二人。察其有異。留從隊。獨與五將挺前。二人告變。少將前晴延悉問之。秀一亦來。十騎聚馬首。計無所出。少將曰。吾義當立討光秀。而從兵至寡。今獨有入京自殺而已。乃引隊北上。使忠勝前行。數里。忠勝回轡。謂五將曰。僕欲敢獻異議。今光秀方得志。擁大軍據要地。吾浪戰貽禽。徒取笑天下。曷如歸國舉兵。徐圖誅討。哉。願公等勸之主公。酒井忠次。石川數正曰。老成之慮。乃出於少壯之人。吾輩慚愧。乃勸之少將。且曰。光秀已扼衢路。宜取間道。少將曰。我不諳地利。必為土寇所困。終不若自殺。秀一曰。此間

士民素慣臣使令。臣能使之導。晴延亦散金募之。大和人越智玄蕃使其臣吉川某為鄉導。土寇乘夜起。侵我輜重。高力清長數返戰。攘之。穴山信良自懷猜疑。不欲同行。自普賢谷分道而去。至草內渡。為村民所殺。明日少將至木津。不可渡。有二舟來。呼而欲乘。舟人不肯。忠次擬銃脅之。舟人怖。艤而載之。既濟。忠勝以槍鐵撞破其舟。以防追者。織田氏將山岡景隆帥眾來迎。已而光秀覺少將逃去。出兵諸路要之。本多正信聞少將當厄。馳至宇治河。與景隆議。諭茶高上林發土人護入信樂館。于鱒尾氏使上人馳還。設篝火河上。宣言德川公將來於此。光秀斥兵聞之。萃

以俟焉。而少將已入伊賀矣。初信長鑿伊賀人。獨匿我管內者得免。於是其父兄相告來護。入伊勢。自白于浦上舟。七日達於參河大濱。入水井直勝家將士迎賀。即日少將徵兵管內。討光秀。美濃尾張將士使使送款。或勸急取二國。少將曰。右府故國也。吾可乘亂利之乎。十七日進陣于熱田。聞羽柴秀吉以山陽兵入討光秀。已伏誅也。乃班師。論賞畿道打箭之功。當是時。四方聞變。騷擾。河尻鎮吉初藉信長威權。凌轢國人。每事行新法。國人囂然。及信長薨。鎮吉恇懦欲走。不敢。少將至參河之日。遣本多百助護鎮吉曰。子欲西歸。宜借道於我。國人流言曰。本多圖河尻鎮

吉乃饗百助。醉而殺之。國人乘之。攻殺鎮吉。森長可等皆棄守而走。於是甲斐信濃空虛無主。上杉景勝北條氏政並出兵爭之。少將聞鎮吉死。遣酒井忠次大須賀康高成瀨正一入甲斐。以武田氏降將依田信蕃岡部正綱為介。豎旗於柏坂嶺。以招來國人。武田氏骨鯁之臣橫田尹松城昌茂等相踵來歸。凡千餘人。少將皆予之印信。安堵如故。大村某者欲導氏政兵入甲斐。元山氏部兵擊平之。又遣大久保忠世石川康通木多廣孝將兵繼往招諭訪賴忠小笠原信嶺皆降之。七月少將留兵守駿河諸城。親將入甲斐。甲斐父老爭供芻糧。進陣于古府。撫循降附。分守

諸要。遣忠次忠止以下。以兵三千徇信濃。圍高島城。八月。氏政遣子氏直將四萬騎入佐久郡。諸將聞之。退屯音骨。遂引還。初。誦訪賴忠不服。忠次少將更遣忠世乃服。二人頗有卻。於是爭殿不決。衆和解之。六將更殿而退。氏直尾之行七里。十餘合。我兵不損一人。氏直止陣。若來少將乃措伏。自將數百騎出淺生原。氏直不敢進。少將使鳥居元忠水野勝成松平清宗三宅康貞守古府。而自陣新府。氏政遣弟氏忠族氏勝將數千騎入郡內。氏直潛遣使告焉。曰。古府兵寡。子攻取之。則新府隨潰。家康當自下山。遁乃夾擊殲之。古府四將謀知其謀。以二千人邀擊之。氏忠氏

勝大敗遁去。少將望塵曰：我兵勝矣。已而四將以首級二百還獻。命梟之新府郊外。氏直兵視之，皆其子弟親戚也。乃悲駭不欲鬪。少將賞四將，賜元忠以郡內。氏直若子豆生、田參河人久世廣宣、甲斐人曲淵吉景，皆有功焉。氏政又遣弟氏規窺駿河。松平康親守三枚橋，本多重次守沼津。擊氏規破之。氏直數招甲斐人，甲斐人斬使者獻其書。信濃人真田昌幸保科正直初降北條氏。九月，少將使依田信蕃招降昌幸，合兵屯碓冰嶺，絕關東糧道。正直因酒井忠次來降，以高遠兵取箕輪，招諸城以屬。我氏直益窘。十月，氏政乃使氏規來請和曰：公取甲斐，信濃我取上野。

且請為氏直娶少將女。少將許之。十一月，氏直撤兵而修平澤砦。少將使人謂之曰：我初欲取上野，遇和而止。今既和而築，是偽和也。使諸將發兵赴之。北條氏兵懼，毀砦而去。是時，上杉景勝既取河中島，築砦四外。少將遣依田信蕃、柴田康忠、菅沼大膳等攻前山、高棚、小田井諸砦，拔之。於是甲斐信濃豪傑盡屬我部下。少將檢其采邑，或依舊，或削之。使平岩親吉鎮甲斐，大久保忠世鎮信濃。務因武田氏舊制，無所更變。獨除其厚斂苛刑，建寺于田野，以弔勝賴。嘉小宮山內膳忠節，召其弟又七，祿之。以其季弟為僧者為田野寺主。收山縣土屋原一條四族之兵，屬於井

伊直政軍裝皆用赤色。并伊氏兵自是勁矣。十二月。少將乃還濱松。以降附四人掌採訪。北條氏使使納幣。織田氏故將柴田勝家亦使使賀平定。十一年閏正月。賞松平康親功。賜河東二郡。二月。依田信蕃攻拔岩尾而死之。少將祿其子。賜姓名松平康國。依康親例也。乃命大久保忠世助康國。攻拔小室。走守將宇佐美定行。景勝不敢援。七月。北條氏迎女。酒井忠次護送之。八月。少將如甲斐。修法令。賜真田昌幸以上田。昌幸侵上野。取沼田。十月。少將進正四位下。遷右近衛中將。

日本外史卷十九終

日本外史卷二十

德川氏正記

德川氏三

天正十二年正月朔。參河遠江駿河甲斐信濃五國將士。盡賀正于濱松。謁中將及世子長丸。二月中將遷參議。進從三位。當是時。故織田信長將羽柴秀吉為政於京畿。略有十餘國。威權獨熾。參議亦與之通好。信長二孤。信雄。信孝。勢皆出秀吉下。信孝舉兵圖之。不克而死。其黨柴田勝家等。皆為所攻滅。諸宿將豪傑。皆俯首事秀吉。信雄孤立無援。秀吉復欲激而除之。故遇之亡狀。誘其驍將岡田重

善津川義冬淺井多宮使叛降己信雄怒三月召三將誅之。分兵攻其邑。遂與秀吉絕。池田信輝與二婿森長可堀秀政在美濃。信雄秀吉並招之。秀吉特啗以利。乃附秀吉。瀧川一益稻葉通朝蒲生氏鄉等皆黨之。信雄益窘。乃來乞援於德川氏。參議曰。吾荷信長厚誼。視其孤之窮蹙而不援焉。將何以對天下。卽諾之。遣石川數正水野忠重其子勝成往助信雄。攻拔星崎。勝成先登。秀吉陰誘諸將。忠重不納而獻其書。忠重故信元子也。於是四近城邑交相攻擊。迭有勝敗。參議聞秀吉大舉且東下也。欲親將援信雄。虞北條上杉窺其後。使大久保忠世備北面。松平康親

平岩親吉鳥居元忠備東面。十日親將發濱松。酒井忠次與平信昌等以前軍先發。敵攻城邑者聞之。往往解圍去。參議四日而至清洲。見信雄。信雄謝之。參議曰。公安之。某在焉。秀吉之兵雖有百萬。不能以病公也。乃引諸將議戰守之策。榊原康政曰。宜進取小牧山以瞰國內。莫使敵據之。參議然之。本多康重曰。往年勝賴侮敵。踰川而進。終以取敗。今盍監焉。酒井忠次曰。勝賴之敵我。我之敵秀吉。不可比也。參議遂命忠次修小牧故壘。十六日自攜信雄往駐軍焉。發間使入南海。招雜賀根來及阿波土佐諸豪。使並起圖大坂。秀吉患之。未果來。遙令池田信輝據犬山。森

長可陣羽黑以拒我軍。長可稱武藏守。以驍勇著。有鬼武藏之目。忠次請曰。嘗試一搏。鬼武藏使京兵知參河技倆也。乃與諸將進。縱火誘之。長可出軍八幡林。隔水挑戰。與平信昌單騎先濟。衆從之。擊走長可。斬首三百級。信輝與稻葉通朝聞之來援。或止之曰。敵兵乘勝。未可與爭鋒。宜按兵憑高。待其來而下突。信輝從之。參議諜知其謀。令諸將收兵。終留康政於小牧。而自入清洲。使本多廣孝築城。小幡以便參河往來。秀吉聞羽黑之敗。大忿。置戍南海。而自將而來。軍于犬山。兵凡十二萬五千人。分爲十五隊。自按視地形。仰視小牧山曰。吾後矣。乃穿空濠。二重于山前。

使數千人守之。起壘植柵。以頓諸軍。軍營彌亘數十里。參議聞之。留內藤信成等守清洲。而自攜信雄合兵一萬八千。復陣小牧山。康政爲信雄移檄敵軍曰。秀吉蔑棄君恩。爲鬼爲蜮。加兵於君之遺孤。天下之人。孰不切齒。汝將士。嘗與之比肩以事先君。乃爲其所驅役。果何心哉。德川公受依託。圖征討。盡發五國之卒。親將至此。大義所臨。必梟豎子。汝將士。苟改過歸順。皆聽其自償。不然則併誅戮之。身首異處。其勿悔。秀吉覽之。乃購康政首千金。參議上樓櫓。望見塹柵。笑謂信雄曰。彼襲尊公長篠之策。豈以我比勝賴乎。乃下令軍中。禁擅進。秀吉遺書參議請戰曰。旦日。

吾欲背塹柵進戰。使士無退志。公亦盍做我所為。渡部守
綱以銳長在前部。私答書曰。來諭所言。不足以聞寡君。寡
君固欲與君樂戰。敢不奉約。至斷後之備。君自為之。弊邦
之士。有進無退。不必須此也。秀吉獲書大恚。欲進戰而不
敢。乃上邸而罵。四月。秀吉兵益至。充滿山野。而我兵無繼。
四日。池田信輝說秀吉曰。敵悉銳拒此。料參河必空虛。我
潛軍出敵背。擣其窟穴。則彼必顧而潰。因夾擊之。可以獲
其渠魁矣。秀吉沈吟不答。明日。復說曰。公速斷之。遲二三
日。敵亦為備。秀吉乃許之。信輝將前軍。森長可將一軍。堀
秀政將三軍。長谷川秀一將四軍。秀吉甥秀次將五軍。兵

凡三萬。翌夜潛發。秀吉戒曰。慎勿侮敵。信輝諾而往。至篠
木柏井。誘上寇。以向參河。織田氏將丹羽氏次為岩崎城
主。時從在小牧。其弟氏重居守。信輝等欲先取岩崎。以及
岡崎。岡崎賈人聞警。走至丸根。告之。守將酒井忠利。志利
單騎來小牧。白之。參議發謀覘之。悉得其實。八日。晡。秀吉
陣燧起。參議曰。是為號也。乃密戒諸將。夜半傳發。選輕騎
四千人。自將之。皆卷旗。裹馬脚。尾信輝軍而馳。榊原康政
水野忠重等為先鋒。至小幡岩。遣斥兵五十。訶敵。敵前軍
襲取岩崎。斬氏重。信輝檢其首級。大喜。報捷後軍。遂向岡
崎。黎明。我先鋒至稻葉。則敵後軍頓東山下。傳餐而坐。我

兵急擊之。秀次秀一倉皇起鬪。終大敗。走於秀政。秀政報敗前軍。而自回擊。當是時。參議攜信雄至勝川。問其地名。而喜之。謂其兵曰。吾勝矣。擐甲而進。途得捷聞。遂至長秋。有來告者曰。先鋒再戰大敗矣。我軍危懼。已而康政歸謁。參議執其手。泣曰。汝得無恙乎。康政曰。臣等一捷而兵疲。為秀政所乘。以君在也。忍恥至此。秀政已與信輝長可合。追北而來。或說曰。敵大衆乘勝。勢不可抗。不若速走保岡崎也。參議哂而不答。渡部守綱還報曰。敵亂次追北。以麾下迎擊。必克。高木清秀提敵首而還曰。勝機在此。急擊勿失。本多正信侍側。進曰。是行危微。幸也。盍就萬全之策。清

秀守綱怒曰。子坐褥握籌可耳。何沮戰機乎。參議曰。二人之言然。乃命幢主擎葵章白旗。金扇馬標。遶出山後。敵兵望見。驚沮。參議乃麾軍而進。井伊直政自南山下。以銃手橫擊。敗秀政軍。奪其陣據之。長可信輝與麾下相挑。勝敗未決。安藤直次獻計。循左麓發銃。長可挺進指揮。中丸而斃。其陣大亂。參議大呼曰。婿既敗矣。盍擊破阿翁。我兵爭進。陷池田氏陣。永井直勝覩信輝據胡床也。舉槍刺之。安藤直次斬信輝子之助。諸將追走。斬首一萬五千級。而日已加午。高木清秀內藤正成白曰。我兵疲矣。卒與生兵遇。必敗。參議曰。然。即收兵而退。入小幡砦。秀吉聞敗大怒。

獨度以爲我兵恃勝懈備也。以數萬騎疾發。酒井忠次石川數正本多忠勝松平家忠留守小牧。忠次欲乘虛襲其營。數正沮之而止。忠勝曰。敵大兵赴援。主公必危。自率兵五百追及秀吉。與之並行。相距可四百步。秀吉問曰。彼爲誰。左右曰。本多平八也。秀吉曰。名不虛已。每兩軍相近。忠勝輒發銃。其騎逸馬。追入敵中。忠勝獨騎馳取之。授騎共還。秀吉兵請擊之。秀吉不肯。遂至長湫。則僵尸蔽野。而不見隻騎。問偵人曰。敵安之。曰。入小幡矣。秀吉歎曰。家康可謂具華實者也。乃欲遂攻小幡。以日暮兵疲。乃止。下令曰。二斛在一。若是天所予。且日圍而取之。遂舍龍泉寺。忠勝

見參議于小幡。說曰。臣不與於戰。人馬皆銳。秀吉之兵衆而不整。臣遣老兵覘之。悉其可擊矣。願主公益臣一隊兵。夜襲敵軍走之。必取秀吉首于大山以南。致之麾下。參議曰。吾得大勝。狂勝者必危。且秀吉未可侮也。卽夜取路於平戶。以歸小牧。旦日秀吉來攻。不及。曰。家康何神也。乃引兵還樂田。益增壘柵。使堀秀政蒲生氏鄉等以萬人守重濠。參議出勒兵濠前。氏鄉等馳使中軍。請戰。秀吉曰。俟彼來攻。整隊防之。不然則勿出。參議亦下令曰。敵未踰濠。勿戰。西軍最畏井伊直政。其裝赤色。目曰赤鬼。五月朔。秀吉留戍樂田。撤軍。還自度大舉徒歸。恐取人笑。乃攻取

美濃二砦入大垣。六月參議使酒井忠次留守小牧而收
入清洲。信雄亦歸長島。是時織田氏故將瀧川一益九鬼
嘉隆皆黨秀吉。一益將略最著。侵信雄統內。誘蟹江及下
市前田三城降之。又誘大野。大野守將山口重政拒戰不
屈。一益將以舟師入蟹江。城中舉烽爲應。參議望見之。急
發兵赴援。呼記室作檄。有吾可親往之語。參議曰。可字沮
兵機。命削之。卽締衣上鞍。奮鞭而馳。井伊直政成瀨正成
內藤宗成水野勝成等。追及於路。信雄亦來。俱至蟹江。江
潮方落。一益舟膠不能進。我兵急迫之。一益兵潰。屢得以
身入城。我兵隨攻之。別使石川數正安倍信勝攻拔前田。

走其叛將岡部長盛。山口重政又擊嘉隆于下市。走之。參
議與信雄。以中軍攻下市城。城負大澤。澤多蘆葦。參議曰。
蘆葦蟠根。或可踐而行。使人試之。果然。乃徑澤逼城。城兵
不備。因立拔之。斬其守將。乃合兵圍蟹江。榑原康政起土
山下射城中。城中大困。嘉隆以大艦來援。我兵迎擊。復走
之。一益終乞降。參議曰。斬叛將獻之。盡致邑於信雄。則宥
死。一益盡如其命。七月。出城遁去。秀吉在大垣得蟹江急
報。悉軍來援。不及。乃屯桑名。參議進至神戶。修築諸砦。聞
秀吉引去。乃還清洲。八月。秀吉將兵八萬。復入尾張。前軍
至樂田。參議出陣岩倉。信雄陣氷村。九月。秀吉至茂呂。參

來約
作果約

議與信雄拔軍赴之。親出巡師。西軍觀我馬表曰。金扇復至矣。相驚擾不可定。大久保忠佐率騎乘之。秀吉夜退軍二十餘里。若于大野奈良。自入大垣。參議乃還。是月信濃諸將攻妻籠。聞西軍來援解還。城兵追躡。保科正直殿戰卻之。十月參議留酒井忠次守清洲。榊原康政守小牧。松平家忠管沼田。盈守小幡。而收兵入岡崎。德川氏羽柴氏相持。美濃尾張之間者。幾乎一歲。天下聞德川氏屢克羽柴氏不競。多來通款者。南海兵倍奮。屢侵大坂。土佐國主長曾我部元親與故紀伊國主島山貞政皆應於我。欲刻期夾擊秀吉。而未來約也。秀吉懼十一月將兵入伊勢。信

雄與之對軍。參議聞之。赴援秀吉。遽乞降於信雄。信雄許之。秀吉面謁獻誓。馳歸大坂。參議至清洲。聞之。憮然。使石川數正賀和成。十六日還岡崎。而上佐紀伊書至。參議慨然大息曰。使此書在十日前。則秀吉可生致也。今已後矣。勞使者遣之。南海之兵所在皆解。居六日。參議凱旋濱松。論賞長湫戰功。秀吉遣富田知信津田信季來請和。信雄亦遣瀧川雄利介之。參議召詢之。諸將石川數正嘗為秀吉所誘。心竊嚮之。進說曰。主公之國不能當秀吉之半。而氏政劫其背。景勝逼其肩。三面受敵。事不可為矣。宜速聽和。以為國家之計。參議怒曰。問義如何耳。至勝敗之數。則

日本外紀 卷之三十一

乃公自計之。乃遣歸三使。秀吉復使土方雄久數來請焉。十二月。信雄自來濱松。謝出援之勞。且謂曰。公與秀吉素無仇怨。特為援我構兵耳。今我已與之和矣。公獨何自執乎。宜聽其所言。秀吉以無子。欲養公之子。公宜子之一人。參議不得已聽之。欲遣異父弟松平定勝。母水野氏泣曰。渠兄嚮質於今川武田。已極艱楚。其忍復之乎。參議愍然乃止。時世子之外有三庶子。曰秀康。忠吉。信吉。秀康乃荻丸忠吉。嗣東條松平氏。信吉。嗣穴山氏。乃遣荻丸。時年十一。本多重次。石川數正。皆以其子從之。秀吉大喜。養為子。稱羽柴秀康。給邑萬石。後任參河守。是月。織田氏故將佐

起趨一作

佐成政自越中來見參議及信雄。請戮力攻秀吉。信雄不許。參議厚遇之。諸將忿成政倨傲。交勸勿援。曰。其地阻絕。不可赴援。參議乃謂之曰。吾不必與秀吉戰。即戰亦不必借子力也。雖然。子之來意不可不答。他日有緩急。當為之聲援。成政謝而去。十三年二月。城吉良。三月。參議患疔。危篤。臣民憂懼。本多重次造枕請曰。臣嘗患此疾。有一醫治之而愈。君請命焉。參議曰。毋為也。吾已決死矣。重次慙曰。君自絕命。臣請先焉。乃趨出。參議驚。命左右止之。重次不顧。強而率至。參議曰。汝何得此言。吾賴有汝曹也。以暇也。汝曹宜全軀撫循子弟。以保我家。汝何得此言。重次泣曰。

日本外史 卷之三十一
否。否。臣不欲生也。臣近視甲斐將士喪其首領折腰於我門。情狀可羞。今臣喪主公亦將如是也。臣少小從軍。面目創手足缺。一疲癯翁耳。特以主公眷顧。頗為人所畏。主公一瞑。鄰國四襲。我子弟沮喪不支。事可知矣。當是時。臣彷徨支吾。人將指曰。彼疲癯翁何不恥之甚。臣故寧速死。不欲生也。參議曰。然吾能從汝意矣。汝亦能從吾意。為吾恣取乎。否。重次曰。君苟聽於臣。臣豈敢違。乃召其醫。醫曰。宜灸重次手灼艾進藥。其夜疔潰而瘡。重次喜極而哭。是月秀吉南取紀伊。根來僧兵來奔二百人。乃置根來部。五月參議巡甲斐。先是真田昌幸侵上野。取沼田。北條氏直請

還之。參議諭昌幸使還之。取償於內地。昌幸不奉命。終屬上杉氏。因降於秀吉。大久保忠世烏居元忠平岩親吉率將士攻之。八月秀吉北取越中。降佐佐成政。上杉景勝又舉越後降之。秀吉密與景勝議。使援昌幸以圖我。閏月我兵攻上田。不利。敵追至利川。忠世以下餘騎殿而濟。陣南岸。欲返擊。二將不肯。明日忠世濟筑摩川。陣八重原。昌幸陣手白塚忠世使柴田康忠還告。二將曰。公等壓河而陣。與我夾擊。必殲之。二將曰。吾暗於地理。不若持重。忠世怒。又使謂曰。公等怖敵。猶當來我後。以為聲援。亦不肯。往復之間。昌幸已退。陣于城下。忠世切齒曰。脫籠禽也。於是諸

將列壁相持。昌幸不敢出。參議遣井伊直政等援之。昌幸出兵。犯康忠營。康忠擊走之。岡部長盛要其歸途。又敗之。九月。聞景勝大舉且至。解兵而還。直政康忠為殿。昌幸子幸村請追之。昌幸曰。將勇陣整。不可追也。忠世於是留守小室。以備景勝。昌幸來襲。參議欲徙國都于駿河。命諸將士修築府中。北條氏間。景勝與秀吉連衡也。人懼。十月。使將士來尋盟。益固從約。木多重次自度口。物情恟恟。而我兒在上國。恐受攜貳之疑。乃使使大坂曰。兒之母有篤疾。請使一訣。因取其兒而還。石川數正守岡崎。其兒亦在大坂。秀吉資望日隆。位至關白。賜姓豐臣。諸名族大邦入謁。

者皆被恩榮。數正竊歎之。秀吉亦以八萬石邑招之。數正遂送款焉。與真田昌幸及小笠原貞慶通謀。又誘其部將松平近正。近正怒不肯。使者再來斬之。因獻其書。十一月。數正挈家出奔大坂。時將士多不在岡崎。松平家忠自深溝馳至。護其四門。酒井忠次亦至。自吉田馳使上變。中外動搖。參議行放鷹至岡崎。即日臨忠次第。命張散樂。人心卽寤。乃召次久保忠世。忠世曰。景勝日伺我隙。而貞慶舉兵應之。又聞昌幸迎故信玄孽子某以煽將士。吾一動則甲斐信濃皆覆沒矣。弟忠教曰。敢請代守。生死以之。忠世喜。乃發會大雪踰歲。景勝昌幸不能出兵。忠教得代而

歸參議修岡崎塹壘厚褒近正以數正部兵屬內藤家長
於是諸將皆獻質參議多還之數正既至大坂秀吉遇之
甚薄或榜其門噪之數正羞縮不出秀吉既定南海北陸
以爲我已奪德川氏左右臂喉景勝脅之其國又有內訌
於是時而與家康和必成家康必來天下莫足復圖者
乃與信雄議使羽柴勝雅北方雄久來議和戒使者曰德
川以數正故也意必不平汝輩善處之一使來岡崎卑辭
厚禮陳秀吉信雄之意請參議入覲京師參議面諭曰長
湫之獲皆秀吉所愛重其欲甘心於我久矣吾不敢往至
旗鼓相見敢不努力一使乃去或諫曰主公不往則次郎

將不免參議曰羽柴秀康爲其父所殺我何與焉遠近傳
言秀吉大舉東下參議乃修守備問群臣曰岡崎我墳墓
之地而當敵之衝誰可使守者本多正信曰緩急能手又
妻兒枕城而死者而後可參議曰作左衛門其人也乃以
精兵數百屬本多重次往守之重次辭出意色甚決參議
乃約其子成重襲封給以手書十四年正月參議適岡崎
秀吉復使羽柴勝雅來固請入覲信雄亦使其叔父長益
來慫恿之參議不肯使者不敢去在其館俟之參議獵于
吉良使者承間來見參議臂鷹而顧曰可一搏擊不能就
人條制明日復見參議曰若未去乎吾不欲復聞若說勝

日本外史 卷之二十一
雅進曰。願君侯少容之。使臣得終其說。夫關白以百萬之兵。翼天子出令。西有毛利之援。東有上杉之助。俊雄豪傑爭爲之用。復何欲而不致。而屈節招君侯。使者三反矣。君侯不思安危之決。徒以放鷹逐禽爲事。臣視君侯境內。城壘不固。溝池不浚。關白一舉趾。則上田之南。鳴海以東。非君侯之有也。臣竊爲君侯危之。參議起色曰。何呶呶也。秀吉兵雖衆。不過十萬。我兵雖寡。可得三四萬。要客兵於熟地。邀險而擊之。何難之有。歸語秀吉。能來則來。不能往也。勝雅長益返大坂。慮秀吉怒。匍伏復命。秀吉徐曰。家康言良然。堀秀政。蒲生氏鄉等。爭勸東伐。秀吉不聽。沈思竟日。

其夜四更。急召勝雅及信雄。被衣而出口。吾業已使家康來矣。二人驚問故。曰。彼亡室。吾以我妹繼之。彼寧不來國。人猶有不安。則以我大廳爲質。尾古晴生駒親正侍坐。問曰。尊妹何在。曰。佐治之室是也。初秀吉有異。父妹適佐治日向者。秀吉欲奪之。改適於我也。明日。使古晴親止諭告佐治。佐治勉強聽命。遣妻而自殺。一月乃使長益勝雅。及富田知信。大野雄光來議婚。別授密旨於淺野彈正。少弼繼發。四使至。因酒非忠。次求見參議。不見。忠次告故。固請。數日延見之。四使曰。嚮關白無子。得養君侯子。聞君侯亡室。欲進關白妹。參議曰。好意至此。吾豈拒之。獨有三事。

約之而後婚。請問不答。使者曰：淺野彈正帶密諭在清洲。乃以駟召至。參議書三事示之曰：新婦有出不可為嗣。敬嗣子不可出質。吾或蚤世不可割寸地。彈正少弼曰：集袖關白手書亦有三條。出而視之。皆暗合焉。參議愕然。遂許婚。信雄來賀。此條民間之意頗危疑。請盟。三月參議與氏直盟于黃瀨河。極歡而止。遂毀沼津郭以示意。四月納幣京師。秀吉使彈正少弼送女。參議使神原康政往告禮成。館于富田氏。秀吉就見曰：吾欲見子面久矣。小牧之役。醜詆我者非子乎。吾嘗購子頭千金。今德川已為我婚。我婚有材。臣如子者。吾所喜也。七月參議將自將討上田。秀吉

聞之。使使來言。關白為昌幸請願釋之。八月令昌幸及小笠原貞慶來謝罪焉。參議遂議西上。酒井忠次曰：彼雖婚未可輕信。宜確得其情然後往。是月秀吉遺親書固請。九月使彈正少弼以下六輩來約。送大廳為質。秀吉弟秀長諫曰：以母為質。天下後世謂之何哉。何不征伐之。秀吉哂曰：汝何狹中。是非汝所知也。十月詔遷參議。中納言秀吉奏請之也。中納言遂決意入朝。諸將皆諫曰：秀吉威力如此。豈真以其母為質。恐有詐謀。吾陷其計中。雖悔可追。願君勿往。秀吉怒而來。臣等當以死拒之。中納言曰：吾亦不保其非偽。雖然。彼百方修好。至以母為質。而吾猶遲回。世

謂吾怯也。且彼亦有天命。吾當助之。共定天下之亂。今復與構兵。則亂曷有止乎。捐我一人之命。以救億萬生靈。不亦多乎。乃令世子留監國。大久保忠世石川家成輔之。井伊直政助本多重次守岡崎。而親帥士卒萬人西上。至岡崎。遇秀吉母至。迎夫人見之。信矣。秀吉命治道諸國。修橋梁。供帳。二十七日。至京師。館于茶屋晴延。秀吉與弟秀長及彈正少弼以下來見。曰。自長篠之役。不相面見。十一年矣。今吾子為天下屈節。吾事成矣。遂見扈從諸將。謂本多忠勝曰。小牧之役。汝與我申抗而行。可謂騎當千者也。遂命酒饌。自嘗而進。贈賄極厚。如是者。連夜因從容問

在一作
立又作
至

曰。我起微賤。諸侯多不心服。奚為則可。中納言對曰。公第莫違義。義所在。天下從之。秀吉曰。善。既而曰。明日見子于聚樂。子枉意降我。以視諸侯。十一月二日。入聚樂第。秀吉大會諸侯。延見如儀。中納言拜跪甚恭。諸侯皆改容。其明日。大饗。當此時。秀吉母在岡崎。岡崎役卒。日積薪其館外。其侍婢怪之。召役卒問故。對曰。作左。遲中納言歸也。曰。若有短長。焚殺大廳。此老性急。今旦已欲縱火。井伊公留之。而止。婢大怖。相謂曰。往年參河任子來。關白指其。人曰。彼鬼作左之兒也。今其鬼乃欲殺我輩。遂白之火廳。大廳憂悸。馳書秀吉。促中納言歸。中納言方受秀長之饗。宴酣。

且一作

日本外史 卷之二十一 十五

一無眾
字謹然三

兵部大
輔作
兵部小
輔

秀吉至。楮袍點茗。曰請祖於聚樂。乃與借出。諸侯皆在門外。秀吉曰。吾欲我母之早歸。故使我婿趣就國。秀長躡中納言足。中納言進乞其楮袍。秀吉曰。來我衣也。中納言曰。家康在焉。不使公復戎衣。秀吉笑脫而附之。因左右顧曰。吾得快婿矣。眾謹然。蓋使秀長豫教中納言也。秀吉遂起。德川氏弟于二條。賜酒井忠次宅。命秀長部將藤堂高虎監役。以近江地三萬石為湯沐邑。賜忠次千石邑。五日。中納言進正三位。井伊直政任兵部太輔。榊原康政任式部太輔。皆敘從五位下。其餘將領受官爵有差。鳥居元忠以為是秀吉假朝爵結納我輩也。乃辭曰。臣關東野人。創夷

之餘不便跪起。豈任衣冠哉。後秀吉使羽柴勝雅以女妻元忠子忠政。因養為子。元忠曰。臣兒不可使有二君。亦辭之。十四日。中納言歸參河。重次以下迎賀。乃令直政送還大廳。諸侍女警直政有禮。秀吉喜饗之。中納言之在京師也。秀吉請許石川數正謁見。及饗直政。又使數正接伴焉。終饗。直政不交一言。指數正謂眾曰。彼人而而默心者。一坐失色。大廳侍女又想重次亡狀。請加罰。秀吉笑曰。家康多佳士。可羨。十二月。駿府城成。中納言留管沼。定政守濱松。而徙居駿府。以板倉勝重為奉行。勝重幼為僧。喜讀書。父好重。弟定重。皆死事。兄忠重卒。無子。中納言乃令勝重

蓄髮爲吏終識拔之。勝重固辭不許。乃請曰：願得歸家與妻計焉。中納言哂許之。妻欣迎曰：有人告夫婿有慶事，何也？勝重脫朝服坐，謂之曰：吾受奉行之命，欲與汝計之。且辭而歸，顧汝謂何？妻驚曰：是公事也。妾何得辨之？勝重曰：不然。自古爲吏者，誰不以內謁敗事？自今以往，汝於我所爲無有議於外人苞苴，無有受，則吾拜命矣。妻曰：敢不唯命是聽。勝重與之誓，復被朝服穿袴而出。妻送見其袴後，拗也呼返，欲正之。勝重怒曰：何背誓也？妻惶恐謝於。是往拜命就職，訟獄平允。百事大治。十五年二月，造駿府二城。秀吉既與我和，不慮東而於是大舉西伐。中納言遣

本多廣孝勞師，師攻岩石城。廣孝力戰受賞。七月，秀吉定九州而還。中納言赴大坂賀之。八月，轉大納言。進從二位。乃還。十二月，兼左近衛大將左馬寮御監。十六年二月，辭兩職。三月，大納言朝京師。秀吉以從西征有功，進左近衛少將。我諸臣多遷任者。四月，後陽成天皇幸聚樂，大納言與內大臣信雄等爲先驅。關白秀吉爲後乘。秀吉要大納言言以下盟辭，持詔大納言與信雄。秀吉次及浮田秀家班清華之上。禮畢東還。於是秀吉以北條氏未至，乃遣使責其不庭。北條氏遷延，意欲得婚及質如德川氏。而秀吉不加於意。閏五月，氏政使來。因我請和。六月，大廳有疾。大

日本外紀 卷之二十一
納言與夫人赴京師。問之。九月。留夫人而還。十一月。酒井忠次請致仕。大納言優旨答之。固請。乃蒞其第。盡驩竟日。使其子家次襲封。是歲。陸奧伊達氏來通好。十七年正月。真田昌幸以子信幸質於我。是月。大納言獵于中泉。息清見寺。有一兒。捧茗而出。問其名。僧曰。甲斐人土屋惣藏之孤也。惣藏事武田氏。死於天目山之難。大納言喜得其胤也。載歸。謂世子曰。吾與汝以一口護身刀。拉兒附之。後賜名忠直。常侍世子。時少將秀康在京師。益長有英氣。嘗習騎。秀吉牙騎失禮。秀康馳斬之。秀吉不問。是時。關東諸豪往往因我降。結城晴朝亦降。請得豐臣氏族為子。秀吉乃

東事一
作軍事
軍一
作東

遣秀康。三月。大納言如京師。兩月而還。先是。北條氏政請得我侵地。沼田而後入朝。秀吉不憚曰。吾欲伐北條氏。以其為德川姻戚。姑假之耳。七月。秀吉發三使來請。大納言乃使人諭真田昌幸。致沼田。而就內地償之。因說氏政以順逆。勸其入朝。亦勸伊達政宗。皆不聽。沼田守將亦侵其傍地。十二月。大納言如大坂。秀吉入朝。請東伐。詔許之。以大納言為前軍。秀吉謂諸將曰。家康為前軍。秀吉為後繼。雖橫行萬國可也。況於北條氏乎。令大納言還國治兵。十八年正月。夫人病卒于京師。以東事興。秘不發喪。大納言遣世子如京師。井伊直政內藤正成等從。至聚樂。秀吉喜

迎曰佳兒也執其手入內使夫人淺野氏結其髮更衣袴親取金飾刀帶之攜出謂直政曰變野樣為京樣大納言見之必驚喜大納言朴實其送幼兒蓋以與北條有姻故以此擬質也吾豈有所疑哉宜速護去世子還至大納言曰秀吉不留我兒是欲借我諸城也乃命本多重次本多正信掃除海道諸城命伊奈忠次造浮梁于富士河居三日秀吉使者至果如其言二月大納言發兵二萬五千誓師而發軍于長窪三月秀吉發京師入岡崎本多重次留守焉不肯出迎秀吉召見之重次曰非我君何謁為辭不

忠次一
作忠政
誤據鶴
峯文集
忠政是
忠次守

入秀吉至吉田伊奈忠次曰天雨河漲請待霽而行秀吉

曰吾聞兵行臨水宜亟涉不則後者病焉對曰是所以行寡兵耳以行大眾則溺矣秀吉從之留三日至駿府將入石田三成耳語曰聞德川與北條通謀勿入秀吉猶豫彈正少弼諫浮言勿信乃入三成自童年以面首承寵及長慧巧過人秀吉以為奉行任治部少輔與少弼同僚自是寢有釁隙大納言聞秀吉留兵而來會與上國諸將皆在其次本多重次以事來謁自後罵曰咄主公為此大怪於國者豈有空其城假人哉如是則人或欲借夫人亦許之乎且罵且出諸將相視而嘻大納言謂諸將曰彼本多重次者僕舊臣也自僕幼時從而白戰僕亦愛愍之

也。然天質頑縱。及老益甚。今於稠人中。詎僕如此。諸公可
以想其平時矣。眾謝曰。聞此老之名久矣。今乃得見。有臣
如此。真可倚賴。已而大納言復至其軍。秀吉至沼津。二十
八日。親巡敵寨。就我營。語曰。諸將皆說我曰。氏政父子。擁
數萬精甲。而不出戰。是欲誘我於險。而四襲之也。卿以為
何如。大納言對曰。以某觀之。是畏我焉爾。今宜為三軍。
攻菰山。攻山中。彼或來援。則以軍邀擊之。秀吉曰。彼
果來。煩卿邀擊。對曰。諾。某嘗將一萬。與彼之四萬。戰於甲
斐。信濃。卜合。九勝。固易與耳。雖然。今彼據險。決死。某若不
利。公幸繼之。秀吉曰。諾。是必勝之計也。雖然。彼不肯出。則

奚為。曰。二城必取。某則以手軍。自古道出於酒匂驛。陣
于早川。以扼八州援路。而公以大軍直擣小田原。敵必不
能支焉。曰。酒匂之道。得無城寨乎。曰。有鷹巢。足柄。新莊。三
城。曰。何以踰之。曰。彼不能守也。武田信玄嘗以一萬入小
田原。如行無入之地。今兵什倍信玄。其不能守必矣。曰。焉
知無鯁將拒我者乎。曰。能然。我所欲也。某當攻而殲之。秀
吉乃還其軍。夜發。令旦日攻二城。豐臣秀次中村一氏攻
拔山中。北條氏不出。大納言則以別軍出古道。松平康重
本多忠勝等為先鋒。攻鷹巢。陷之。足柄城潰。進攻新莊。守
將拒戰。不克而走。秀吉繼至。與諸將相見于湯本。出戰袍。

按戰袍
尚餘一
領以賜
中村一
氏見松
榮紀事
等書

三領使大納言取其。且使以其一授秀次。因戒秀次曰。汝宜學德川也。又使大納言召世子於駿府。秀吉自取甲被之曰。宜類我也。自取其偏名。名曰秀忠。秀吉蓋以事勢未定。務結納我也。四月。松平康重等攻宮城野。破之。湯本竹浦解走。三日。大納言先諸軍。至於酒匂。城中警怖。我兵復伏衢路。要擊敵援兵。多所俘斬。秀吉大喜。約我事平。盡領北條氏地。我將松平康國。鳥居元忠。中岩親吉。助前田上杉氏。入上野武藏。下諸城。本多忠勝。酒井家次等。助淺野木村氏。會前三將。徇上總。還入武藏。攻岩築。陷之。本多忠勝子忠政。手斬首級。城兵就元忠降。九月。康國次

總社。為降將所戕。弟康貞手斬十餘人。定之。大納言以康貞為嗣。是月。小田原城兵夜出。襲蒲生氏陣。轉赴我陣。陣堅不動。乃收入。六月。大納言召伊達政宗使來見。甘索城主北條氏勝初守山中。敗。保其邑。秀吉遣黑田孝高。說降之。弗聽。大納言使本多忠勝諭之。乃降。江戶城主遠山景佐初守新莊。為我兵所敗。走入小田原。其弟川村兵部。其姪遠山丹波。與真田信尹處守江戶。丹波信尹納款於我。大納言遣兵逐兵部。取其城。石田三成。大谷吉隆。攻館林。不拔。氏勝諭城兵。乃降。三成等轉攻忍城。彈正少弼助攻。將諭降之。三成忌其多功。給曰。城兵已有內應者。請分隄

日本外史 卷之二十一 三十一

攻之城兵怒而戰。三成曰：內應敗矣。遂引水灌之，不得地利而罷。前田上杉氏以降附萬餘來謁，秀吉不賞，曰：彼無血刃之功，或屠之，或降之，可也。西將加藤嘉明竊言曰：是豈主天下者言乎？二將遂攻屠八王子，守將中山家範狩野一菴等死之。大納言索一菴子主膳家範、二子昭守信吉、祿之時，小田原固守數月，兩軍禁戰，徒以弓銃相批。先是我軍徙于築地，鑿地道入城，未達，井伊氏營前有敵別堡，一橋通城，城兵時出戍，直政私計以部下子弟襲之。會暴雨，地道壞，城樓崩陷，直政設伏塹外而進攻，輒取堡。直政至橋，自發銃，銃炸傷手，進而不已，士卒力戰，斬首四

百。縱火于城，城兵益出，而我兵無繼，乃收兵卻。賊兵追躡，遇伏敗還。我中軍望火而愕，松平家忠曰：少年輩乘雨入城耳。捷聞至，秀吉大喜，賞之。是役得城中首級，是爲始也。織田信雄及西將數人攻葦山，數不利。大納言遣小笠原廣勝視之，廣勝怒，諸將逗撓，自進奪其門，無繼而死。七月，大納言又遣內藤信成諭城將北條氏規降之。五日，氏直遂出，就我營乞降，致城。大納言遣井伊本多榭原三將與西將二人入受城，嚴禁抄掠，盡出氏政以下。我叛將小笠原長忠自甲斐亡，依小田原。於是執誅之。十日，大納言入城，其明氏政自殺。秀吉遣四使，大納言遣榭原康政蒞焉。

日本外史 卷之二十一
縱氏直高野。厚給之。德川氏於是領關東八國。近江地九萬石。為朝宿邑。海道地萬石。為田獵邑。凡二百五十五萬七千石。秀吉害我國。逼京畿。而人心固結。日久也。乃乘事徙之。以八國之名厭其心。其實武藏相摸伊豆。上總。下總。上野。六州而已。安房有里見氏。下野有宇都宮氏。其他結城。佐野。皆川諸族。割據方隅者頗多。而北條氏餘黨所在。潛伏。兵燹之餘。城邑荒廢。乃趣我使徙居焉。而以駿河甲斐。信濃。遠江。參河。割予於親。臣宿將。放織田信雄。奪尾張伊勢。予之於甥秀次。以拒塞我。陸奧會津。輩名氏故國也。為伊達氏所侵。請復之。秀吉不許。予之於蒲生氏鄉。以鎮

壓我。五國士民大失望。諸將亦怏怏不樂。大納言曰。可也。關八州亦我宗故國。自古稱用武之地。養士撫民。足以觀天下之變矣。乃發兵四出。伐諸城邑。未服者。盡定之。遂相地建都。將士以為非小田原則鎌倉也。大納言乃與秀吉議。營于江戶。八月朔。振旅入焉。即論功分地。賜武藏忍于松平家忠。其私部于松平康重。其岩築于高力清長。其東方于松平康長。其松山于松平家廣。其羽生于久保忠隣。其河越于酒井重忠。其本莊于小笠原信嶺。其八幡山于松平清宗。相摸小田原于大久保忠世。其甘索于本多正信。伊豆葦山于內藤信成。下總矢造于鳥居元忠。其吉

河于小笠原秀政其關宿于松平康元其相馬于土岐定
政其蘆戶于木曾義就其總緒瀧于本多忠勝其久留里
于大須賀忠正其鳴渡于石川康通其佐買于内藤家長
上野碓氷于酒井家次其概橋于平岩親吉其大胡于牧
野康成其吉井于菅沼定利其阿布于菅沼定盈其那波
于松平家乘其宮崎于奥平信昌其藤岡于松平康貞其
白井于本多廣孝其館林于榊原康政其箕輪于井伊直
政直政康政忠勝皆食一萬石忠世元忠康元食四萬石
其餘有差總内外十人分爲五隊以直政忠勝康政康通
親吉領之更番京師北條三浦木曾保科久能岡部諸族

皆給封邑乃促就封焉命吏度遠近輕重以給資用衆皆
忘其遷徙之勞十月遣使京師致五州地秀吉服其神速
江戸之地東帶隅田川南控海灣西北接武藏野上杉氏
將太田道灌者始城之而平衍沮洳蘆葦叢生城郭隘陋
至用舩板爲階本多正信白曰是不可以視外賓請更之
大納言晒曰汝乃執此婦女之見乎土木之事徐議之耳
乃因地勢區處士民賜大番土以西北地鑿高填卑以置
第宅東南鑿渠疏淤輦泥土起街市以通運漕之道復以
板倉勝重爲奉行諸制度盡因北條氏之舊而除其煩苛
者國內大服秀吉之東下有人獻佐藤忠信曹曰今日當

被之者本多忠勝也。乃賜之忠勝忠勝長子忠政。謂其父曰：忠信源九郎從僕耳。大人以德川氏將領而被其胄，以爲榮乎？亟還之。秀吉之西還，銜本多重次無禮，諷我罰之。大納言不得已置之上總小原，潛給三千石。時使人慰問之，尋病卒。是月陸奧出羽寇起，伊達氏陰助之。蒲生氏鄉等來乞援於我，彈正少弼西還，途聞變亦來乞焉。乃遣結城秀康、榭原康政赴之。十二月秀吉遣甥秀次東伐，使石田三成來請親出。是歲世子敘從四位下，任侍從。秀康襲封食十萬石，忠吉敘從五位下，任下野守。信吉封下總小金山，食三萬石。以故世子信康女妻小笠原秀政，秀政貞慶

子也。十九年正月八日，國將七皆賀正于江戸。大納言親出至岩築間，亂平乃還。勸伊達氏入謝，閏月如京師。二月天子賜之御香勅，入朝觀花禁園。五月東歸。五月陸奧復亂。六月秀吉復使人來請節度東北諸將。七月親征，并伊本多、榭原各將一軍從焉。八月軍于岩手。九月盡定陸奧。十月還江戸。最上義光世主出羽山形，通於織田豐臣氏。大納言輒爲說其名家，使善遇之。義光深德之，於是請以其次子臣我乃賜名家親屬之侍從。是月侍從轉左近衛少將，兼武藏守。尋遷右近衛中將。於是海內盡定，將休息於無爲。而秀吉汰侈喜事，諸輕銳小人承旨進說，會其愛兒

死欲用兵朝鮮以自遣。浮田秀家首怨憑之。乃讓關白職于秀次。自稱太閤。建行營于肥前。使人來告我。今來會焉。伐木伊豆。以造舟艦。海內騷然。諸將皆心知其非。莫敢匡拂。十一月。中將陞參議。帶前職。文祿元年二月。大納言命榊原康政。輔參議處守。而自將兵萬五千西行。率伊達佐竹南部最上諸將。會于肥前。是月。徙松平家忠于下總小美川。以忍村下野守忠吉。三月。徙五郎信吉于下總佐倉。各食十萬石。尋封外孫奧平忠明于下野小幡。四月。浮田秀家等將兵入朝鮮。七月。大納言遙命松平家忠。修拓江戶城。參議如京師。九月。參議遷中納言。進從三位。十二月。

還江戶。先是京師儒人藤原肅忤秀吉。避之肥前。豐臣秀秋與之有故。迎客之大納言聞其名。時廷之幕中。諮詢古道。二年三月。江戶上功告竣。先是外征諸將取朝鮮。所過殘滅。明氏出軍援之。連戰不決。黑田孝高在行營。議以爲元帥。不堪其任。堪其任者新田公。不則前田利家。若孝高而已。秀吉又慮功不成。而有內變。會諸將。宣言欲自與前田利家蒲生氏鄉。將三軍入朝鮮。而留大納言守國。大納言卽奮辭色。願從行。彈正少弼極諫。秀吉怒。欲手斬之。諸將救而止。秀吉斥少弼不許見。會肥後寇起。秀吉乃悟。大納言攜少弼入謝。令少弼長子左京大夫討寇。以本

東歸之
而東一作

多忠勝助而平之。淺野氏嘗坐其臣偽造金幣獲罪。大納言潛往其家。審實爲白之。事得以寢。日益親善。八月。秀吉庶子秀賴生。秀吉大喜。東歸。大納言自西。中納言自東。皆往賀之。豐臣氏將吏在朝鮮。竊懷歸志。聞蔽秀吉。曲成和議。弭兵而還。十月。大納言還江戶。聘藤原肅。待以賓禮。講論益力。二年春。秀吉大城伏見。課諸國助役。大納言令神原康政諭管内將士。貸徭錢。出役丁。尋自西上。監視秀吉要之。共遊吉野。四月。水井直勝敘五位。爲右近大夫。大納言之在肥前。秀吉過其營。與語。直勝出進茗。秀吉問其名。曰。是往年獲池田者乎。因問大納言曰。爾時吾與卿對

壘。卿何以不攻我重濠之兵。對曰。慮樂田兵夾擊之也。抑公亦何以不來戰。秀吉拊掌曰。吾誠置餌兵于濠。欲俟卿來夾而殲之。故不往戰耳。諸將傍聽者皆悅服。秀吉於是來請。冒直勝以豐臣氏。遂有斯命。大納言二女。適北條氏而寡。秀吉自媒。再嫁於池田信輝子輝政。以釋其憾。次年。又以三女嫁蒲生氏鄉子秀行。九月。大久保忠世卒。子忠隣嗣。守小田原。兼世子傳。四年。大納言中納言少將共在京師。大饗秀吉。秀吉旣生秀賴。欲廢秀次。秀次素淫虐。石田三成。增田長盛等從而構之。五月。大納言東還。留中納言于京師。戒之曰。秀次將及禍。卽來誘。慎勿應之。七月。秀

告一作言

吉自伏見使使京師。就聚樂第詰秀次。秀次誓而遣之。以事已迫。欲取我中納言為質。因拔我兵自援。即夜五更。使人來告曰。關白欲供朝餐。請速來。上井利勝答曰。世子未起。當俟起告之。使者去。利勝告人久保忠隣。忠隣使之奉奔伏見。從者六人。議取間道。利勝直由大路南馳。使者復來。促忠隣故留之。度中納言已遠。乃出見曰。世子早有茶會之約。赴于伏見。秀次聞之大悔。秀吉見中納言來。悅曰。貞新田公之子也。乃以書告變江戶。大納言即發。途聞秀次已被殺。兼程而至。秀吉大喜。秀吉素嗜刑殺。及老。喜怒不測。至治秀次獄。尤極慘酷。三成既陷。秀次遂欲連累諸

將其已者。誣伊達政宗為反黨。秀吉大怒。欲徙政宗于伊豫。政宗在京師第。使人往伏見。就請大納言營救。大納言不答。賜使者食。食畢。請對。大納言罵曰。而主怯懦。不足與言也。且若輩欲徙伊豫。餒於魚乎。死京中。餒於狗乎。必居一焉。因召而前之。授對遣歸。既而伊達氏兵皆衷甲而譟京師大擾。秀吉聞之大驚。使使詰問政宗。政宗便服出迎。言曰。臣僕從皆曰。失累世之國。漂泊客土。不若死也。臣制止之。輒斥為怯夫。在目下者。猶如此。留在國者。不審其為何狀。使者還報。秀吉患之。會大納言親往中雪。事遂得釋。最上義光女嘗侍秀次。及敗。被併殺。三成又誣義光亦為

大納言所救。衆皆睚眦。三成而秀吉寵之益甚。三成專權。無復忌憚。獨畏德川氏。九月。我中納言以秀吉旨娶淺井氏。淺井氏有二姊。秀吉自取其長者。生秀賴。稱淀君。少者嫁京極高次。後稱常光。皆故織田信長外姪也。秀吉夫人淺野氏。稱北廳。及淀君專寵。北廳失勢。石田三成增田長盛。小西行長。大野治長等。皆附淀君。加藤清正。福島正則等。為北廳親屬。不敢附。清正與行長。並為外征將。爭功相惡。內占各有所助。及秀賴生。諸將益黨淀君。大納言亦與之有姻戚。而獨禮北廳。慶長元年五月。詔以大納言為內大臣。敘正二位。後二日入朝。是日秀吉亦以秀賴入朝。敘

從三位。任中將。九月。明及朝鮮使者來謁。秀吉以來辭非其所望。復大徵兵。以明春濟海。而置吏行營。不復親出。十月。酒井忠次卒。十二月。以松平康親。松平家乘。為大番頭。初。內大臣置大番五隊。以內藤永井栗生。家子弟為頭。皆不滿萬石者。於是論二人曰。吾以此職累子。子必不厭心。雖然。世事未定。中軍之鋒。非子不可。又令井伊木多。柳原石川平岩五將。更番伏見。頓于藤杜。以備非常。三年正月二日。內大臣感吉夢。潛詣石清水祠。當是時。內大臣及前田利家。毛利輝元。上杉景勝。浮田秀家等。為巨藩大老。秀吉嘗會諸侯。而抱秀賴。自室中闚視。問曰。彼列坐者。誰

最可畏。輝元狀貌尤魁偉。秀賴指之曰：彼最可畏。秀吉哂曰：否。首坐鰲面翁可畏耳。秀吉欲試內大臣，從容詰諸將曰：弓箭之事，方今莫及乃公者。諸將皆伏曰：誰敢望殿下。內大臣作色而蹙曰：某在於此。殿下未可出此言。殿下獨不記小牧之事乎。諸將相顧駭栗。秀吉默然起入內。諸將交謂內大臣曰：適所聞公戲言之邪。內大臣曰：否。否。雖太閤有天下，至弓箭之道，僕不肯讓一步。雖觸譴怒，所不避也。頃焉秀吉復出談他事而罷。諸將皆謂內大臣善直言也。秀家等再代朝鮮，與明人戰不決，自外師興至此。前後七年，丁壯盡，軍旅老弱罷轉漕。秀吉亦自倦，乃置軍事於

度外，獨與秀賴及諸姬侍日為宴樂。窮極奢侈，偷取快一時。性素喜土木，天下未定時，建方廣寺，造大佛，索材諸道，費累鉅萬金。遇震而崩，是年五月，欲復更造之，罹疾而止。於是豐臣氏紀綱寢弛，其中軍將士與諸牧伯互相讎視。六月，秀吉疾篤，召奉行淺野彈正少弼、石田三成、增田長盛、長束正家、前田玄以曰：如聞諸侯與麾下有郤，是大亂之本也。宜使相協和，以翼冲子。十六日，五人乃大會內外。牧伯將吏傳音，眾對曰：協心奉嗣君，則敢不奉命。至於私憾，各有所由，不能輒聽從。告諭再三，終弗肯也。秀吉乃召內大臣告之曰：願以煩卿。內大臣乃出而諭之。眾對如初。

內大臣作色厲聲曰公等已言協心奉上。協心奉上者猶挾私怨乎。果挾私怨是懷貳也。安在其奉上也。眾屈服頓首曰唯唯。謹奉命。內大臣入報。秀吉大喜。命五人大饗。眾復爭坐位。雜席而食。及酒行。皆離次忿爭。中村一氏生駒親正傳旨周旋。不能定。復入告內大臣。內大臣復出。踞而按劍曰。公等賣家康乎。家康以公等言報太閤。太閤乃喜。賜此饗。公等猶尚如此。非賣而何。舉坐皆我仇敵。我誓不縱一人。因顧五人。趣關諸門。一坐驚服。莫敢出聲。淺野中村自傍慰籍之。使眾謝罪。更獻酬爲謹。而罷。明日秀吉聞之。召內大臣曰。疇昔之事。雖古名將不能過焉。非卿威

信素著於眾。則安能如此哉。垂涕謝之。秀吉已憂內難。又悔外征。欲班師鎮國。而兵連弗解。又恐明朝鮮乘喪來侵。計不知所出。七月終。召內大臣。盡以後事委託之。曰。秀賴當立與否。一在卿之心。內大臣謝不敢當。秀吉曰。天下莫若卿者。故不得不煩卿。內大臣固辭而退。秀吉召石田三成。增田長盛議之。二人素有異謀。因大諫。以爲勿專託德川。秀吉然之。乃定五大老三中老五奉行。使前田利家輔秀賴。已而伏見城下一夕大擾。井伊直政自藤杜馳至。內大臣使直政與天野康景出詞之。還報曰。石田大野氏有甲。諸第相告自備。故致此騷擾也。已而事定。人莫知其故。

者水野勝成爲父忠重所逐。歷游西國。聞警來歸。請自效。內大臣悅。諭忠重宥之。八月五日。秀吉召內大臣曰。以卿固辭。置列老奉行。今則悔之。而今已布矣。雖然。雄武強任。誰若卿者。卿當冠諸人。統軍國事。乃要諸將盟誓。旬餘。薨於城中。遺命彈正少弼及石田三成。秘不發喪。三成素惡少弼之善內大臣也。乃給之曰。秘喪當以計。吾與子貽魚於內府。以視外人。少弼從之。其明內大臣以中納言入城問疾。途與三成遇。三成使人密計之。內大臣還歎曰。治部踈於我者也。猶告大故。彈正何以外我乎。人心固不易測也。卽夜命世子治行。旦日遣歸江戶。以鎮本國。九月命少

弼及三成。以遺令赴那古那。外師遣德永壽昌濟海。密令諸將。十月有訛言。明大舉扼我歸路。內大臣曰。我不可不親往。前田利家寢疾。聞之。以內府一動。則海內搖矣。我當輿疾往。肥前指揮諸將。衆皆止之。以藤堂高虎習外事。請遣之內大臣曰。然乃使高虎代往外師。已大克而還。十一月。盡至伏見。內大臣與諸老俱慰勞之。

